

KAYAKNU NAI MAKUS YOM

*LAYATAK JOHANES NUG JESUSNU IB
BABAITOM*

¹ Kayak Bēka Jesus Kristusnu Nai Ena amu inam niite. ² Anuka Kayak Nug propet laa onig Jesaia amegpa aum. Kayak Nug Bēka Jesus amegpa alo amubia Jesaia amegpa a, Jesaia nug nai amu inam awa yom. “Ante! Da hepi dahil nai awa uka mātiaknu danab laa nug na noom awa, nahip ib bapaidku. ³ Nug am atu tадакпа dayaya, danab amelagpa inam ewa aku. ‘Ag oolagpa ihinig Nadinu ib bapaidpeg, elele dayad!’ awa aku.” Jesaia anam awa yom. ⁴ Kayak Nug anam aum dimpa Nug aum bia, Layaták Johanes nug atu tадакпа dayaya, nug danab amelagpa, Kayak Nug ahilag hipunin uhuqa madakunu ag oolag edueb, layaták aoglagnu nai mehuqom. ⁵ Nug nai anam mehuqom amu Juda wanpan danab laa oh amu Jerusalemnu danab laa oh ele ag Johanes gu-midna gona, hipunin ahilag miag aegeg, Johanes nug Jodan lepa layatом. ⁶ Nug lamen kamel udigpa hak amu ma, nug imuagpa mātagid, dod gadapa hak, amu ele taka, nug tap amu upuh lepu ele latom. ⁷ Anam dayaya amu nug danab amelagpa aum. “Danab laa nug da dimulpa udite amu danab amu nuhig gagatag amu dahil edidte, Nug am danab okainab, da am okai iīta. Dahil hak imu nuhig hak amu ele elele iīta. ⁸ Da ag lepa layadtem amge Nug Kayak Oudipa ag layadku,” awa aum.

JESUS LAYATAK AWOWA, OO EEDAK ELE AWOM

⁹ Nug anam a amu haen amupa Jesus Nug Galelia wanpa Nasaret abpanu aha udie, Johanes nug Jodan lepa laaitom. ¹⁰ Laaita male, Jesus Nug lepanu aha, audam teete amu hab obate, Kayak Oudi Nug ai upudil bia nuhigpa neene, antom. ¹¹ Kayak Oudi Nug ne, baag laa hab atannu Nug amegpa aum. “Na am da bekal, da nahipnu ool mauhte. Nahip haknu ele amu da ool ena daate,” awa aum.

¹² Haen amupa pahanab Kayak Oudi Nug he, Jesus Nug atu tadakpa uka, ¹³ apa ded 40 dayeye, Satan nug Jesus ehed hekunu oo eedede, Jesus Nug dod dakud oolagpa dayeye, engel ag nug ehanidpig.

JESUS NUG DANAB TATAMNU ONILAGPA EUM

¹⁴ Aria haen amu male amu Herodes nug Layatāk Johanes mani guitakpa me dayeye, Jesus Nug aha, Kayaknu Nai Ena mehuqaqa, Galelia ukom. ¹⁵ Nug nai mehuqa aum. “Haen malom, Kayaknu do madod haen aaķu miag doum amunu ag ahilag hak nau uuna, oolag edueb, Nai Enanu oolagpa genab doyeg!” awa aum.

¹⁶ Ded laa Jesus Nug Galelia le ameg ihipa oiyaya, Nug Simon amu Andreus ele, a am eamag amu, Nug a ahilah uhui lepa eeheh anatom. A am kakai awak danab amunu a uhui epid. ¹⁷ Jesus anata amu Nug amelahpa aum. “Doya, da dim lamidped, da a danab diiaknu udat ipuanatkul,” awa aum. ¹⁸ Nug anam a amu a paha ahaya, uhui ahilah uuya, Jesus dim lamidpid.

¹⁹ Dim lamiteheh, Jesus Nug nakok laa ele wana, nug Sebedi bekod Jakobus amu Johanes ele, a ele am eamag amu, Nug a ub ahilahpa daaiya, uhui bapaiteheh anatom. ²⁰ Anata amu Nug ahilahnu ele aum. “A da dim lamided!” Nug anam a amu a ahai, a mameleah Sebedi, amu ahilkad udat danab oh ubpa daapig ele amu uuadya, Jesus dim lamidpid.

JESUS OUDI NAULAA LAMITOM

²¹ Aria ag Jesus dim lamiteg, ag oh edun Kape-naum gopig. Gona daanna, Nug Metidpa Juda dilag nai doyak laka apa ta, Kayaknu nai ipuanatom. ²² Ipuanate, Juda danab ag dab mak kudum aopig. Adinu? Nug nuka keeke oh ha antom bia ipuanatom. Juda dilag do mehuqak danab laa ag amubia ii hedapig. ²³ Ag anam nai doyak laka apa daaegeg, danab laa nugoudi nau ele apa dayaya ewa aum. ²⁴ “Jesus, Nasaret ted, na ig atem heigkutnu udime? Na hepe, ig nauhkenignu udime? Da na dooidtem, na am Kayaknu Laa, Opia Awak Ele,” awa aum. ²⁵ Nug anam a amu Jesus Nugoudi nau amegpa aum. “Na oden qamutna, danab amu uuidna uke!” awa aum. ²⁶ Jesus Nug anam a amu oudi nau nug he, danab bedu huan hahadede, oudi nau nug baag okaipa ewawa, danab amu uitom. ²⁷ Uuita male amu danab laa ag danab amu anidna, dab mak kudum aona amu ag akaaka Jesusnu apig. “Imu adi? Imu doyak laa, ebehi ele. Nug ehah ena ele amu diig amunu Nugoudi nau amelagpa, ‘Ag ukeg!’ ate amu ag nuhig nai dim lamidteb,” aon apig. ²⁸ Ag anam

anidna, nai amu tuditeg uke, Galelia wannu danab oh doopig.

JESUS ODE DANAB KUDUM BAPALATOM

²⁹ Jesus Nug danab ehanite, Nug ipunitak awak danab Simon, Andreus, Jakobus, Johanes ele ag ahan, Juda dilag nai doyak lag amu uidna, tutuku Simon Andreus ele laulahpa gopig. ³⁰ Ag gona, laka teegeg, ag Simon nome nug ode, bedu gakadak ele niieye, ag Jesus amegpa aeg, nug doyom. ³¹ Aeg doya amu Jesus Nug gumiwa wana, epegpa ada, mad ete ahe, bedu gakadak paha iita me, aaķu ah amu nug uka, e ahilag babaitom.

³² Aria tueb amu aam no, apan danab ag ahan, ode danab amu danab oudi nau ele oh omaladna, Jesus topa gopig. ³³ Ag gona, Simon Andreus ele a laulah odpa qag meeg, ³⁴ Jesus Nug ode danab kudum ag ode diigdiig ele amu bapalaṭa, laa oudi nau ele amu Nug oudi nau amu lamaṭom. Lamaṭe amu ag Nug doopig amunu Jesus Nug he, ag amunu ii apig.

³⁵ Aria wagde bułuanab Jesus Nug lačanu aha, ab uua, aben danab haen oh ii daatebpa uka, unuqitata dayom. ³⁶ Dayeye, nakok dimpa Simon laikud ele ag Jesus matin ³⁷ anidna, Nug amegpa apig. “Danab oh ag na matidteb,” aon apig. ³⁸ Aon aeg amu Jesus Nug aum. “Ipan danabib nai dahil dooglagnu amu da ool ii daate amunu ig ahat, ab laala miag daateb ele amupa da nai dahil mehuqkulnu goķunig. Da amunu udimi,” awa aum. ³⁹ Nug anam anana amu Nug aha, Galelia wan oh talilića oiyaya, Nug Juda dilag nai doyak

laka laalapa nai mehuqaqa, oudi nau danab ag bedulagpa daapig amu ele lamatom.

JESUS DANAB GADA ODE ELE EHANITOM

⁴⁰ Dimpa ded laa danab laa nug gada ode ele amu nug Jesus noobpa uka, gateg qaun wa, nug od meta aum. “Na oot heeb amu na hepe, da ode dahil iita meku,” awa aum. ⁴¹ Nug anam od mete amu Jesus Nug oo doye, Nug epegpa danab bedu ada, amegpa aum. “Da ool anam daate! Na ena daye!” awa aum. ⁴² Awa a amu pahanab ode amu iita me, danab nug elele dayom.

⁴³ Elele dayeye, Jesus Nug do gagatg danab amu amegpa inam aum. ⁴⁴ “Na danab laa amegpa da na bapaidminu amu aib ame. Iita, na gona, na bedun mana metak danab ipunidna, na Mosesnu do ate bia na dod main, Kayak mete! Adinu? Danab oh ag amupa dooglag na ode iita,” awa aum. Jesus Nug do gagatag anam mewowa, he ukom. ⁴⁵ Jesus anam aum amge danab amu nug Jesus ode bia ii heum. Iita nug uka, danab kudum amelagpa a doopig amunu Jesus Nug abpa miag oikunu elele iita. Nug aben danab haen oh ii daatebpa dayom amge apa ele danab kudum Nug gumidna gopig.

2

JESUS DANAB EPEG BAEG ELE OH MAUHOM BABAITOM

¹ Anam dayaya, ded laa dimpa Jesus Nug aha, edua Kapenaum uke, apan danab ag Jesus udiom daate amu doona, ² ag ahan, lag Nug dayom ele amupa gona qag mepig. Kudum gopig amunu lag oopa dimitim ele ag aben oh itupig. Itun daaegeg,

Nug Kayak nai mehuqom. ³ Nug nai mehuqeqe, danab wadele laa ag lailag ođe ele, nug baeg epeg mauhak ele, qadaqadpa maon, Jesus topa uđipig. ⁴ Uđieg, ag lag Jesus dayom ele, amupa danab kudum ituak daapig amu ag amupa tena, Jesus gumidna wakulagnu ib iitä amunu ag lailag amu maon, lag atan tena, lag amu kodoko uđem metak ele amunu ag tena, lag kodoko lopadna, ođe danab qadaqad ele mudipa qakan, Jesus noobpa padaeg noum. ⁵ Padaeg noum amu Jesus Nug oopa genab doyak ahilag am okai ele anta, Nug ođe danab amegpa aum. “Nahip hipunin oh amu da uhuqe medat  m,” awa aum.

⁶ Nug anam a amu do mehuqak danab apa daanna, ag a  ka a  ka dab makpa inam apig. ⁷ “Danab imu Nug adinu anam a  te? Nug Kayak dabi  ta, awa awa qete. Kayak Nug nu  ka hipunin uhuqa megakunu elele,” aon apig. ⁸ Ag dab mak amu aoegeg, Jesus Nug nuhig dab makpa amu doya, Nug ag amelagpa aum. “Ag adinu dab mak nau anam aot  b? ⁹⁻¹⁰ Adi nai am anaknu ug iitä? Hipunin uhuqa metaknu nai amute am ug iitä, o iitä aha tapa u  kaknu nai, amutai am ug iitä? Amu oh iitä. Adit oh am ug ele, danabib hekunu elele iitä amunu ag Danab Bekalag da, da wan imupa hipunin uhuqen madakulnu gagat  g ele, ag amu dooglagnu amu da hepi, aha goku,” awa aum. ¹¹ Jesus Nug anam anana amu Nug edua, ođe danab amegpa aum. “Na ahan, qadaqad nahip aon, la  ka u  ke!” awa aum. ¹² Nug anam a amu ođe danab nug aha, qadaqad nuhig awa, ag noolagpa dimit  im ukom. U  geke amu ag dab mak kudum

aona, Kayak binag mena apig. “Ig ded laa keeke amubia ii anidmut,” aon apig.

JESUS LEWI ONIGPA EUM

¹³ Aria Jesus baula edua, le ameg Galelia ihipa oiyeye, danab ah laala ag gumidna ukaeg, Jesus Nug Nai Ena ipuanat^{om}. ¹⁴ Ipuanat^{owa} amu Nug aha, wana oiyaya, Nug Alpias bek^a Lewi, nug takis awak laka dayeye ant^{om}. Ant^a, Jesus Nug amegpa aum. “Na dona, da dim lamide!” awa aum. Anam a amu nug Jesus dim lamit^{om}.

¹⁵ Dimpa Jesus Nug nuhikud ipunit^{ak} awak danab ele amu ag Lewi laugpa e laegeg, takis awak danab ku^{dum}, hipunin danab ku^{dum} amu danab laa ag Juda dilag do oh ii dim lamidpig, amu ele ku^{dum} udieg, Jesus amu nuhikud ipunit^{ak} awak danab ele e lapig. Adinu? Ag ku^{dum} ag Jesus dim lamidpig. ¹⁶ Aria ag e lanan daaegeg, do mehuqak danab amu do gumak danab-Parasia ele ag anadna, Jesusnu ipunit^{ak} awak danab od madapig. “Adinu Jesus Nug takis awak danab, hipunin danab amu danab ag ihinig do oh ii dim lamidteb ele amu, Nug ag ele oh daanna, e lanana, le ele lat^{eb}?” aon apig.

¹⁷ Aon aeg amu Jesus Nug doya, amelagpa aum. “Danab ode iita, nug dokta topa ii go^te. Iita, danab nug ode ele nug go^te. Amubia amu da hepi, danab kobol tutuk^u enaib heteb ele, ag oolag edukunu ii udimi. Iita da hepi, danab kobol tutuk^u ena ii heteb ag oolag edukunu udimi,” awa aum.

*DANAB AG JESUS E OH KUD MENA
DAAGLAGNU OD MEDAPIG*

18 Aria Layat^{ak} Johanesnu ipunit^{ak} awak danab amu ḋo gumak danab-Parasia, ahilag ipunit^{ak} awak danab ele ag ded^q kudum e oh lanaknu kud mena daad^q tapig. Ag anam daaegeg amu ded laa danab laa^{la} ag Jesus topa gona, Nug od medapig. “Adinu Johanesnu ipunit^{ak} awak danab amu ḋo gumak danab-Parasia, ahilag ipunit^{ak} awak danab ele ag hanhan e oh lanaknu amu kud men daateb amge nahip ipunit^{ak} awak danab ag anam ii he^teb?” aon apig. **19** Ag Jesus od anam medapig amu Jesus Nug aum. “Da am danab nug ah aote bia. Aria dahil ipunit^{ak} awak danab amu ag am da lailad. Amu ig dootem, nug awak haen amu oo gamag ahak ele amunu danab nug ah aote amu, nug laikud ele ag ug doonna, e oh lanaknu kud mena daaglagnu amu ii^{ta}. Ag oolag gamag ahak ele amunu ag e ii uumna, ag lakulag. **20** Anam aaku daate amge ded laa dimpa ag lailag ah awom ele amu, nug laih ukeb amu haen amupa ag oolag ug ele amunu ag e oh lanaknu kud mena daaglag. Amu da ami. Da am danab ah aote bia. Dahil ipunit^{ak} awak danab ag am da lailad bia. Da gemu ag ele daat^{em} amunu ag e oh lanaknu kud mena daaglagnu elele ii^{ta}. Dimpa da gopi, ag anam hekulag,” awa aum.

21 Nug anam anana amu Nug nai tudi^{ta} aum. “Danab nug lamen qati bau awa, lamen alagnu gido amupa ton a ii koit-te. Iita! Nug anam helo amu dimpa nug lamen iheb, lamen bau nug edua, nakok epa, lamen alag eedeb, patideb, gido okai ele daaku,” awa aum. **22** Anam anana amu Nug nai keeke amunu baula inam aum. “Laa ele amu danab nug grep lepu bau le itaknu dod gada

alagpa ii inaṭe. Nug anam helo amu grep lepu nug edua, wain baaba, titida heebbeb, dod gaḍa alag nug gagatag epom, okai mekunu elele iitä amunu nug aodeb, wain amu dod gaḍa ele oh iitä mekulah. Ag anam ii heṭeb. Grep lepu bau amu le itaknu dod gaḍa baupa inaglagnuib daaṭe,” awa aum.

JESUS NUG METIDNU OKAI DAATE

²³ Aria ded laa Metidpa Jesus nuhikud ipunitak awak danab ele ag ibpa wit dad laa oopa gonana, danab tuelp ag wit aeg laala aon lapig. ²⁴ Anam heegeg amu do gumak danab-Parasia ag Jesus od medapig. “Do nug danab laa Metidpa e datanu ii aoma ipunigte amunu adinu nahipad ipunitak awak danab ag Juda dilag Metidnu do amu tipalna, e aon lat̄eb?” aon apig. ²⁵⁻²⁶ Ag anam od metaeg amu Jesus Nug amelagpa aum. “Ag Dawitnu nai nakok laa iite eb qepig? Haen amupa Abiata nug mana metak danab dilag iki dayeye, Dawit nug laikud ele ibpa oiyeggeg, enug aqeqe, ag gona, Abiata dayompa tena, Dawit nug Kayak laug oopa noa, bret hag ele, mana metaknu danab agib lakulagnu elele, amu awa lanana, nug laikud ele maṭe, oh lapig.

²⁷ Amunu ag dooglag. Metid ded nug anuqak ii daaṭe. Iitä, danab nug Metid ded edita anuqak daaṭe. Da danab edaten gumadtem ²⁸ amunu da Metid ded ele gumat̄em,” awa aum.

3

¹ Ded laa Metidpa Jesus Nug Juda dilag nai doyak laṭa noa, danab laa nug epeg nau, mauha ebehitak ele, apa dayeye ant̄om. ² Do gumak

danab-Parasia ag ele apa daanna, Jesus Nug adi heeb anidkulagnu meidpig. Nug Metidpa danab epeg nau ele ehaniteb, elele dayeb amu ag Jesus hetodiak abenpa mekulagnu oolag dayom. ³ Anam daaegeg, Nug danab epeg nau ele amegpa aum. “Na ahan, gamagpa hipaidna daye!” awa aum. ⁴ Nug anam a amu danab nug hibaita dayeye, Jesus Nug do gumak danab-Parasia od matom. “Do ihinig adi ate? Ig Metidpa ena hekunig am enatai o iita ig Metidpa ehed hekunig am enatai? Ig heput danab mauhku amuam enatai o iita ig heput, danab laa nug mauhkunu hete ele amu nug elele daaku amuam enatai?” awa aum. Nug anam od mate amu do gumak danab-Parasia ag Jesusnu od mak amunu nob mekulagnu oolag ii dayom amunu ag to etan, hamu daapig. ⁵ Ag to etan daaegeg, Jesus Nug neeka ana towa, ag oo doyak iita, ag danab ehanidkulagnu oolag ii dayom amunu Nug opodi be, oopa guitak doyaya, Nug danab epeg nau ele amegpa aum. “Na epen tai ete!” awa aum. Jesus Nug anam a amu danab amu nug epeg tai ete, epeg edua, laih bia, ena dayom. ⁶ Jesus anam heum amunu do gumak danab-Parasia ag ahan ukaeg, Herodes laikud ele qag mena, Jesus qekulagnu ib madipig.

DANAB KUDUMNAB JESUS DIM LAMIDPIG

⁷ Jesus Nug anam he amu Nug nuhikud ipunitak awak danab ele ag ahan, ab amu uun, Galelia le amegpa ukaeg, ⁸ Galelianu danab, Judanu danab, Idumianu danab, Jodan le laihpan danab, Jerusalemnu danab, Taianu danab amu Saidonnu danab ele, ag oh Jesus kobil hetom doopig amunu

ag Nug anidkulagnu dim lamidna gopig. ⁹ Ag kuđumnab gopig amunu Jesus Nug nuhikud ipunitak awak danab amelagpa aum. “Danab kuđum qataetak daana, hautidmananu amu ag ub nakok aon dopeg, kobol anam beeble amu da ubpa tekul,” awa aum. ¹⁰ Adinu danab ag Jesus hautkulagnu hepig? Jesus Nug ođe danab kuđum bapalađom amunu ded amupa ele ođe danab kuđum danab ah oolagpa daanna, Jesus gumidna wana, Nug bedu adaglagnu wagai mepig. ¹¹ Amu danab laala ag ouđi nau ele ag Nug aniteg, ouđi nau ag heegeg, ag Jesus noobpa nena qena, wanpa niiegeg, ouđi nau danab bedulagpa daapig ele amu, ag epig. “Na Kayak Beka,” aon apig. ¹² Anam aeg amu Jesus Nug am Kayak Beka amu ag amunu miag atiak ii amananu, do gagatag matom.

JESUS NUG IPUNITAK DANAB TUHELP TITUANATOM

¹³ Ded laa Jesus Nug quaukopa ta, nuhikud ipunitak awak danab diikunu oo dayom ele amu, Nug ag onilagpa e, ag Nug gumidna gopig. ¹⁴ Nug danab tuelp Nug ele daaglagnu tituanata, Nug aum. “Da ag maadpi, ag gona, nai ena dahil mehuqkulagnu tituanadmi. ¹⁵ Laa ele, da ouđi nau lamadkulagnu gagatag ele madakul,” awa aum. ¹⁶ Nug danab tuelp tituanatom amu ag onilag am inam. Tatam am Simon amu Jesus nug onig laa Petrus atadom. ¹⁷ Adit laa amu Sebedi bekod Jakobus Johanes ele. Jesus Nug a onilah laa Boanesis atadom. Onig amu nuhig meu amu, “Hakad bekod.” ¹⁸ Laa oh onilag am Andreus, Pilipus, Batolomiu, Mateus, Tomas, Alpias beka Jakobus,

Taidius, Simon, nug am Selot, ¹⁹ amu Judas Iskariot ele. Nug am Jesus keked epelagpa meum.

²⁰ Aa_ku Jesus Nug e_dua la_ka u_ka dayeye, danab ah ku_dumnab ele qag mepig. Qag mena daaegeg amu Jesus Nug udat haaha, e nakok laa awa, lakunu haen elele i_ita. ²¹ Anam dayeye, Nug anig amakud ele ag amu doona, ag ahan, Nug omalna gokulagnu u_dipig. Adinu? “Nug kaaka qeum,” aon apig. ²² Ag anam aegeg amu Juda dilag mehuqak danab ag matu Jerusalemnu nepig amu ag Nug heumnu inam apig. “Amu Belsebub, nug am ou_di nau i_kilag, nug danab imu be_dupa daate. Daate amunu Nug gagatag amupa ou_di nau lamadte,” aon apig. ²³ Ag anam aeg amu Jesus Nug he, ag gu_midna doeg, Nug keeke danab ag dooteb ii dooteb ele ou aqata, ipuana_ta nai amupa amelagpa inam aum. “Satan nug atemun Satan lamid_kunu elele? ²⁴ Wan laipupan danab ag ahan opatna, ameg adit bena, nug qekulag amu wan amu nug ena ii daama. ²⁵ O ab i_ki laa ele anam. Ag opatna, ameg adit bena, nug qekulag amu ab i_ki amu nug na qe_ku. ²⁶ Aria Satan ele anam. Nug laikud ele ag opatna, laih laih daanna, ban heteb dayeb amu ag daaglagnu elele i_ita. Ag i_ita mekulagnu daateb. ²⁷ Danab nug danab gagatag ele, nug laugpa hamu noa keeke laa ii ao_te. Nug tatam danab gagatag ele mudipa hipalowa, nug danab amu laugpa noa, keeke yab aoku. Amubia da Satan editak daat_{em} amunu da nuhi_kud daup lamadkulnu elele daat_{em},” awa aum. ²⁸ Jesus Nug anam anana amu Nug nai baula tu_di_ta aum. “Da genab ag amelagpa atem. Kayak Nug ahilag hipunin, amu nuhignu

amu nuhig keekenu ele dabiṭa awa awa qetak nai ahilag oh ele amu Kayak Nug uhuqa madaku ²⁹ amge laa nug Kayak Oudi dabiṭa, awa awa qeteb amu Kayak Nug hipunin amu uhuqa ii metama. Hipunin amu iita ii mema, hanhan daaku,” awa aum. ³⁰ Ag, “Jesus Nug oudi nau ele,” apig amunu ag Kayak Oudinu anam amananu, Jesus Nug anam amelagpa aum.

JESUS BAEKUDPA NUG ANIDKULAGNU UDIPIG

³¹ Jesus Nug anam anan dayeye amu Nug anig amakud ele udina, dimitim daana, Jesus gumata dokunu danab laa amegpa aeg, nug danab daapig ele amu, ag amelagpa aum. ³² Danab ah kuđumna ag Jesus talilidna daanna, nai amu doona, Jesus amegpa apig. “Na anin amapad ele na anidkulagnu udin, dimitim daateb,” aon apig. ³³ Aon aeg amu Nug aum. “Da anil amalad ele am aun adi?” awa aum. ³⁴ Nug anam anana amu Nug neeka oiyaya, ag talilidna daapig amu anaṭa, Nug aum. “Anteg! Imu amu da anil amalad ele. ³⁵ Danab laa nug Kayaknu dab mak dim lamidte amu nug am da anil, amal, apinal ele,” awa aum.

4

E EPAKNU NAI

¹ Aria Jesus Nug Galelia le ameg ihipa mehuqak udat dig meum. Dig me amu danab ah kuđumna udin qag mepig amunu Jesus Nug ubpa teum. Nug te, danab ah ag le ihipa daaegeg, ² Jesus Nug keeke danab ag dooteb ii dooteb ele ou aqata, ipuanata, nai amubia kuđumpa mehuqaqa, inam matiom. ³ “Ag nai imu doona maidkulag. E epak danab nug

e hadag ebakunu aha, ⁴ data uka oiyaya, e hadag taodom. Nug taoda ugeke, hadag laala amu danab ib oitebpa nena qena niiegeg, ai ag udin, hadag amu lapig. ⁵ E hadag laala ag wan men duqe ukak amupa nena qepig amu wanunuqag iita amunu pahanab bepig ⁶ amge aam na qe, ag didilag wan oopenab ii noum amunu bunadpig. ⁷ Aria e hadag laala ag wan mudi qaun elepa nena qeeg, mudi qaun ba, nadi ma, teguate, bunadna, meu ii opig. ⁸ E hadag laala ag wan enapa nena qena, ena bena, meu opig. Hadag laipu laa beum amu nug aeg tieti oom, laa am siksti oom amu laa am wan handat oom.” Jesus Nug anam aum.

⁹ Nug anam anana Nug baula ele aum, “Danab nug daug ele dayeb amu nug doyad!”

¹⁰ Jesus Nug anam a amu dimpa Nug amu nuhikud ipunitak awak danab tuelp amu nug laikud laala ele ag aka daanna, ag Jesus nai aum amunu od medapig. ¹¹ Od metaeg amu Jesus Nug aum. “Ag am Kayaknu do madodnu keeke diig lokumak amu dooglagnu matom amunu ag dooteb amge danab laala, ag dahil nai dim ii lamidteb, ag nai danab nug keeke danab ag dooteb ii dooteb ele ou aqata, ipuanadte, nai amupaib anidteb ¹² amunu Jesaia nai yom, nai amu elele medate. Nai am inam. ‘Ag neegteb amu ag diig tutuku ii anidteb. Ag nai daulagpa dooteb amu ag diig atemun tutuku ii dooteb. Ag doyaknu uuteb. Ag anam ii helob, ag nai dahil doona, ag oolag edueb, Kayak Nug ahilag hipunin uhuqa matalo,’ ” awa aum. ¹³ Jesus Nug anam anana amu Nug Nai baula tudita aum. “Da keeke danab ag dooteb

ii dooṭeb ele ou aqaten ipuanaten ami amu, nai amuam ug iiṭa amge ag meunab nuhig ii doopig amunu dimpa da nai amubia amge gagatag ele madipi, ag aṭem oolag maidku? ¹⁴ Danab nug Kayak nai mehuqte amu nug am danab e ebṭe bia. ¹⁵ Hadag laala ibpa nena qepig ele amu, nai amu inam ipunigte. Danab laala ag nai dooṭeb amge Satan nug paha ag oolagpa noa he, Kayak nai iiṭa mete. ¹⁶ Amu e hadag men duqe ukakpa nena qepig ele amu, nai amu inam ipunigte. Danab laa ag nai doon, oolag gamag ahehe, pahanab aoteb ¹⁷ amge ahilag oopa genab doyak am gagatag iiṭa, haen tutunuib amunu ded laa ag dahil nai dim lamidṭeb, diig amunu ug laa bete, o danab laala ag heeg, qagaetak dooteb amu ag pahanab ahilag oopa genab doyak padateb. ¹⁸ E hadag wan mudi qaun elepa nena qepig ele amu, nai amu inam ipunigte. Danab amu ag nai dooṭeb ¹⁹ amge ag wan imupan ug laala, amu enub awak udat amu ameg qak kobil ele, keeke amu oh ag oolagpa he, Kayak nai iiṭa ma, meu ii oṭe. ²⁰ Aria e hadag wan enapa nena qepig ele amu, nai amu inam ipunigte. Danab laa ag nai doonna, aon oolagpa meteb amu ag meu ena oṭeb, laa tieti, laa siksti, laa handat, anam oṭeb,” awa aum.

AMAHLAKNU NAI

²¹ Aria Jesus Nug nai imu ele matiom. “Danab laa nug lam amota, tapid okai waapa o iiṭa balal waapa metete? Iiṭa! Nug amota, atan me eote. ²² Amubia gemu keeke laa lokumak daateb amge dimpa miag atiglag. Keeke oh danab ag lokumpig daateb amu dimpa ag miag atipeg, danab oh

anidkulag. ²³ Danab nug daug ele dayeb amu nug doyad!” awa aum.

²⁴ Aria Jesus Nug baula aum. “Ag doyeg! Ag lailkad dilagnu kobol tutuku o kobol ehepa epediadkulag amu Kayak Nug ele melemel amupa ag hetodiata, baula ele tudidku. ²⁵ Danab laa nug Kayak nai adate ele amu dimpa Kayak Nug baula ele tudita, nug medaku amge danab laa nug Kayak nai laa ii adate aria nug nakok hamu adom amu Kayak Nug amu edua adidku,” awa aum.

KAYAKNU DO MADOD ATTEM DAAKU

²⁶ Jesus Nug nai amu matiowa, Nug Kayaknu do madod atem daakunu amu inam matiom. “Kayaknu do madod amuam danab nug e wanpa ebte bia. ²⁷ Nug epowa amu nug tuqanpa niiaya, amunpa nug udat laala haaha oyeye amu e nug ba, okai mete. Okai mete amge danab nug e amu atem ba okai mete nug ii doote. ²⁸ Nug udat laa heehe, wan nug nuka e itag medete, e amu bete. Tatam am udug, dimpa hadag qete amu dimpa nug meu ote. ²⁹ Aria meu wa odue, meu awak haen aaku doum amunu danab nug meu aote,” awa aum.

³⁰ Nug anam anana amu Nug nai tudita aum. “Ig Kayaknu do madod am adi bia daate akunig. Ig nug am keeke adi laa ele ou aqat-ta, nug diig tutuku anidkulig? Am inam. ³¹ Kayaknu do madod am ad mastet aeg epaeg bete amubia. Mastet aeg nug am e laa aeg bia iita. Nug aeg nakoknab amge danab nug wanpa ebte, nug bete. ³² Nug ba, okai ma, dad oopanu e laa oh edadte. Edata, epeg ele okai daaegeg, ai laala ag nug logopa daateb,” awa aum.

³³ Haen oh Jesus Nug keeke danab ag dooteb ii dooteb ele ou aqata ipuanaṭa, ag amelagpa matiom. Keeke ag doodpig ele amupa Nug nai elele tuditom. ³⁴ Nug nai amubia aakuib matiom amu Nug nuhikud ipunitak awak danab ele ag haen laala akaib daanna, Nug nuhig nai oh amu diig mehuqom.

JESUS NUG HE, KODKOD QAK IIṬA MEUM

³⁵ Ded amu tueb me, aam noono Jesus Nug nuhikud ipunitak awak danab amelagpa aum. “Ig ahat, Galelia le ameg mataqta, laih goķunig,” awa aum. ³⁶ Awa a amu ag ahan, danab ah kuđum uuadna, ub nakok, Nug ub amupa dayom ele amu, ub amupa ukaegeg, ub naunau laala ele oh gopig. ³⁷ Ag ukaegeg, ulah oķainab heehe, le ameg nug kodkod huan qa, ub oopa noa, am bekunu heum. ³⁸ Le anam heehe amu Jesus Nug ub bitobpa uđunpa niieye, nuhikud ipunitak awak danab ag Nug mad etan apig. “Ipunikak ihinig, ig mauhkunignu hetem, amu na amunu dab iite metem?” aon apig. ³⁹ Ag anam aeg amu Jesus Nug aha, ulah amegpa nug anam hemanu anana, le amegpa, “Na uuna, to etan daye!” awa aum. Nug anam a amu ulah nug iit me, le ele to eta, manin niiom. ⁴⁰ Nug anam ha amu Nug nuhikud ipunitak awak danab amelagpa aum. “Adinu ag badateb? Ag oolagpa genab iite dooteb?” awa aum. ⁴¹ Nug anam a, nuhikud ipunitak awak danab ag nuhignu enanag doon, oolag ele otaie, ag aka aka apig. “Ulah le ele amu a ele danab imunu nai dim lamidtep amunu am atemun? Nug am aun?” aon apig.

5

JESUS NUG HE, DANAB OUDI NAU ELE ENA DAYOM

¹ Aria ag gona, Galelia le ameg laih Gerasa wanpa eedpig. ² Eedna amu ag ub uun, wanpa noegeg, danab laa, nug oudi nau ele, matmatpanu Jesus gumita udiom. ³ Nug hanhan matmatpa dayaya oitom amu ag danab amu mudipa o senpa ele qāaglagnu elele iīta. ⁴ Ag haen kuđum qagapig amge nug haen oh wagai ma, sen pakua, baegpan adaknu keeke ele he aodtom. Danab laa nug danab amu adakunu elele iīta. ⁵ Nug anam haaha, tuqan amun ele nug matmatpa oitom, qaukopa ele oiyaya gaatom. Nug nuka bedu menpa ele tuqātom.

⁶ Anam daatom amunu haen amupa nug nakok uma dayaya, Jesus anta, nug Jesus gumita gokunu qaibad uk̄a, Jesus noobpa gateg qaun oum. ⁷⁻⁸ Nug gateg qaun o amu Jesus Nug oudi nau, danab amupa dayom ele amu, nug amegpa, “Danab amu uidna uke!” awa aum. Nug anam aum amunu danab amu nug ewa aum. “Jesus, na Kayak atannunab beka. Na da atem heidkutnu hetem? Kayak onigpa da na amenpa gagatag atem. Na da guitak aib medame!” awa aum. ⁹ Aria Jesus Nug oudi nau od metom. “Na onin aun?” Od mete amu oudi nau nug aum. “Ig am kuđumnab amunu da onil, ‘Daup kuđum,’ ” awa aum. ¹⁰ Aum amunu oudi nau amu nug Jesus amegpa, “Ig wan imu uut gokunignu aib ame,” ii daye daye unuqitom.

¹¹ Nug anam aawo, bo kuđumnab qaukopa ameg laipu daanna, e laegeg, ¹² amu oudi nau ag Jesus unuqidna apig. “Ig lamigkutnu dayeb amu

lamigpe, bo bedulagpa notu!” aon apig. ¹³ Ag anam aeg amu Jesus Nug, “Anam heig!” awa a, ag danab amu uun gona, bo bedulagpa nopol. Noeg amu bo ag oolna, huana gona, aben oola noakpa Galelia le amegpa nona, le lanana mauhpig. Bo amu, ahilag eb qak am 2000 anam.

¹⁴ Ag mauheg amu bo gumaṭak danab ag ahan gona, ab okai amu nuhig wan taliliak ele amupa keeke adi anidpig amu aeg doopig. Doona amu ag keeke amu anidkulagnu ahan gopig. ¹⁵ Ag gona, Jesus gumidna tena, ag danab amu dayeye anidpig. Nug hanhan oudi nau ele dayom amge haen amupa nug lamen ma, dab mak ena ele to eta dayom. Anam dayeye anidna, ag badapig. ¹⁶ Aria danab ag Jesus Nug danab oudi nau ele nuhignu atem heum amu anidpig ele amu, ag amunu matinna, bonu ele madipig. ¹⁷ Matieg, ag doona amu ag Jesus Nug ahilag wanpanu aha, laih gokunu apig.

¹⁸ Ag anam apig amunu Jesus Nug ubpa teete, danab oudi nau uuidpig ele amu, nug Jesus ele oh gokulahnu ii daye daye od metom. ¹⁹ Nug od metom amge Jesus Nug aum. “Iita, na edun, baenadpa gumadna gona, Nadi nahipnu oo doye amu nahippa adi heum ele amunu ape, doyeg!” awa aum. ²⁰ Jesus anam aum amunu danab amu nug edua uka, Dekapolis apa ta, Jesus adi nuhigpa heum amu amelagpa matieye, ag nuhig nai doona, ag dab mak kudum aopig.

JESUS NUG AHLAA NID AHINELE EHANATOM

²¹ Aria Jesus Nug ubpa ta, Galelia le ameg matada, le laih waum. Wana, le ihipa dayeye,

danab ah kudumnab gumidna gopig. ²² Ag anam daaegeg amu Juda dilag nai doyak lagnu iki danab laa onig Jairas, nug Jesus gumiṭa uka, gateg qaun wa, ²³ nug Jesusunuqiṭa aum. “Nid ahin dahil nug mauhkuṇ hete amunu na gona, epenpa adape, ena daaķunu od medaṭem,” awa aum. ²⁴ Nug anam a amu Jesus nug ele oh ukaeheh, danab ah laala kudumnab ag Jesus haputna, qataetan daaegeg gopig.

²⁵ Amu ah laa apa dayom ele amu nug kalam qak ode mad tuelp oopa haen oh anidtom. Iita ii metom. ²⁶ Nug dokta kudum gumaṭa uka, men dodo oh nuhig hamu maṭom amge dokta ag nug ii ehaniteg, ode nuhig uka uka, okai meum aakuib. ²⁷⁻²⁸ Nug anam dayaya amu nug, “Jesus ođe danab kudum bapalate, ena daaṭeb,” naipulag amu doya, nug nuhig dab makpa, “Da lamen nuhigib nakok adakul amu da ena daakul,” aum amunu nug danab ah Jesus ele gopig amu ag oolagpa Jesus dimugpa gonana, Jesus gumiṭa wana, lamen nakok adom. ²⁹ Ade amu nuhig ođe laipun iita me, nug amu doye, ³⁰ Jesus Nug nuhig gagatag laa uke doya, Nug edua od maṭom. “Aun dahil lamen adom?” awa aum. ³¹ Nug anam a amu nuhikud ipuniṭak awak danab ag Nug amegpa apig. “Danab ah ameg nađi talilidna daaṭeb amunu adinu na, ‘Aun adailom?’ aon atem,” aon apig. ³² Ag anam aeg amge Jesus Nug ahilag nainu dab ii metom. Iita, Nug neekā, aun heum amu anidkunu neekata dayom. ³³ Dayeye amu ah nug, “Da nuhig lamen adami amunu Nug dahilnu aṭe,” dab makpa anana, nug bāda hahadada, Jesus noobpa wana, gateg

qaun wa, keeke oh nuhigpa beum amunu oh miag Jesus amegpa aum. ³⁴ Nug anam a amu Jesus Nug aum. “O adel, na ootpa genab doome amunu na ena daat̄em. Ode nahip male, na ena daat̄em. Na madod ele uke!” awa aum.

³⁵ Jesus Nug anam mat̄iaya dayeye, danab laala ag iki danab Jairas, amu nug laugpanu udin, Jairas amegpa apig. “Na ađen mauhom amunu na ipunitak danab imu udat baula aib metame,” aon apig. ³⁶ Ag nug amegpa aegeg, Jesus Nug nai amu daugpa doya, Nug Jairas amegpa aum. “Na aib badame! Na ootpa genab doye!” awa aum.

³⁷ Nug anam anana amu Nug danab ah laa oh amu nuhikud ipunitak awak danab ele ag dim lamidmananu, “Aib,” aum. Amu oh oolagpanu nuhikud ipunitak awak danab ewam, Petrus, Jakobus amu Johanes ele aaķuib Jesus ele Jairas laugpa gopig. Jakobus Johanes ele, a am eamag. ³⁸ Ag gona, nug laugpa tenana, Jesus Nug qanak baag okai ahilag doyaya, mahitak kobil laala ele heegeg ant̄om. ³⁹ Nug anam anta, lag oopa noa amu ag amelagpa aum. “Adinu ag inam henan gaat̄eb? Nid ahin imu nug ii mauhom, nug niit̄e,” awa aum.

⁴⁰ Nug anam aum amunu ag Nug imidpig amge Nug ag oh lamaṭe, dimitim noeg, Nug nid ahin mameg, anig ele nuhikud ipunitak awak danab ewam ele ag aaķuib diiate, nid ahin niiompa nopig. ⁴¹ Ag nona, Jesus Nug nid ahin epeg ada, ag nailagpa aum. “Talita kumi.” Nai amu diig am inam. “Da at̄em, nid ahin, na ahe!” ⁴² Jesus Nug anam a amu nid ahin nug pahanab aha oiyeye, danab ah ag nid ahin anidna, ag huanak otainā,

dab mak kuđum aopig. Nug am mađ tuelp ele.
43 Aria Jesus anam hewowa amu Nug ag danab laala amelagpa amananu, “Aib,” anana, ag nid ahin e metđlaglagnu ele aum.

6

PROPET NUG AB DIIGPA ONIG IIȚA

1 Anam hewowa, ded laa Jesus Nug apag diigpa gođkunu ahe, nuhikud ipuniđtak awak danab ele ag oh gopig. **2** Ag gona tena daanna, Metidđpa Nug Juda dilag nai doyak laka ta, Kayaknu nai ipuanatđom. Ipuanatđe amu danab ag doona, dab mak kuđum aona apig. “Danab imu am ađemun? Aun danab imu doyak imu oh metđom? Nug atem ha udat laala danab haknu elele iiđa ele hđe?” **3** Nug am lag hak danab! Ig dootđem, nug am Maria beđka. Nug amakud am Jakobus, Joses, Judas, Simon ele. Amu nug apinkud amu ag ig ele iiđe daađem?” aon apig. Ag anam anana amu ag Jesus ele oolag laipu ii dayom.

4 Ag oolag laipu ii dayom amunu Jesus Nug ag amelagpa aum. “Propet nug ab ohpa onig ele amge nug apag diigpa, nug tiilag laipu ele oolagpa amu nug laugpa ele amu nug onig iiđa,” awa aum. **5** Ag nuhignu oolagpa genab ii doopig amunu apa Nug ođe danab kuđum ii bapalađom, laipu laipuib. **6** Ag oolagpa genab ii doopig amunu Nug dab mak kuđum awa, Nug ab amupanu aha, ab laalapa uđka, Kayak nai mehuqom.

*JESUS HE, IPUNIđTAK AWAK DANAB TUELP AG
UDATđPA GOPIG*

⁷ Nug anam oiyaya amu Nug nuhikud ipunitak awak danab tuelp onilagpa e udieg, Nug adit adit maate, ag ab laalapa gokulagnu daaegeg amu Jesus Nug ag oudi nau lamadkulagnu gagatag maata, ⁸ Nug ag amelagpa aum. “Ag hokat dud qaknu amu adaglagnu elele amge bret, batam, men dodo ele amuam aib aopig. ⁹ Ag baelag gada lamen ele amu mekulag amge lamen adit amu aib mepig,” awa aum. ¹⁰ Nug anam anana amu Nug nai baula tudita aum. “Ag gona, ab laapa danab laa laugpa tena, ag lag amupaib daanna, ukaknu haen beebe, ab amupanu ahan ukeg! ¹¹ Amge ded laa ag ab laapa tepeg, ab amupan danab ag diin, laka ii maadna, nai ahilag ele ii doopeg amu ag ahan, ab amu uunna, ag ab amupan danab ag ehed hepig dooglagnu, ag baelagpanu gapud qeqalpeg nadl!” awa aum. ¹² Nug anam aum amunu ag ahan gona, nai mehuqnana, danab ah oh ag hipuninnu oolag edukunu apig. ¹³ Anam henana amu ag oudi nau ele lamadnana, ode danab ag Kayaknu dab mekulagnu, ipunitak awak danab ag olipnu goden layadna unuqiteg, bedulag ena dayom.

HERODES ANTIPAS NUG LAYATAK JOHANES BAG OTADOM

¹⁴ Amu Jesus Nug udat heehe, udatnu nai wan amu oh tone, king Herodes Antipas doyom. Doyeye, danab laala ag Jesusnu udat amu anidna doona ag, “Layatak Johanes mauhowa, nug edua hibaita oite amunu gagatag okai okai nuhigpa bete,” apig. ¹⁵ Ag anam apig amge laala ag, “Nug am Elias,” aegeg, laala ag, “Nug am prophet, anuka prophet daapig, amubia,” aon apig. ¹⁶ Laa ag anam

apig amge Herodes Antipas nug anam doya, nug aum. “Imu am genab Layałak Johanes. Da nug baag otadmi amge Kayak Nug he, nug edua hibaitom,” awa aum.

17-18 Amu Layałak Johanes nug mani gułtakpa ii dayom haenpa amu Herodes Antipas nug awag Pilip, nug wau Herodias adıta awom. Awe amu Layałak Johanes nug Herodes Antipas amegpa, “Na awan wau aome, amupa na do tipalme, kobil amuam ena iitä,” awa aum amunu Herodes Antipas nug a, nuhikud daup danab ag gona, Johanes epeg hipalna, aon gona, mani gułtakpa mepig. **19** Johanes aum, diig amunu ele Herodes Antipas wau Herodias nug oo aeg be, nug Johanes qeeb mauhkuñu heum amge elele iitä. **20** Adinu? Herodes Antipas nug doyom, Johanes am Kayak noobpa danab tutuku, oiyak nuhig am ena amunu Herodes Antipas nug heeb mauhmanu bąda, atog noum. Amu ded laala Herodes Antipas nug Johanes nai madikuñu onigpa e udia, nai matie amu Herodes Antipas nug Johanesnu nai amunu dab mak kuđum awom amge nug nai amu dookunu oo ele dayom.

21 Aria ag anam daanna, ded laa Herodias nug Johanes qekunu ib antom. Ded amupa Herodes Antipas nug nuhig menuak ded be, nug gabmannu iki danab amu daup iki danab amu Galelianu danab okai laala ele, ag nuhig menuak ded amunu gamag ahak hekulagnu hobul heum. **22** Haen amupa ag Herodes Antipasnu hobulpa daaegeg, Herodias adeg, lag oo amu oopa noa, ahi godede, Herodes Antipas adı ag nug anidna, ag itag aqe, Herodes Antipas nug aha, nug nid ahin amu

amegpa nai gagatag qeta, inam aum. “Na adin oot hete? Na keeke laa aokutnu oot dayeb am da na medakul. ²³ Na keeke dahil imu oh laih aokutnu oot dayeb amu da gamagpa opatpi, laih na aokut,” awa aum. ²⁴ Nug anam a amu nid ahin nug aha, dimitim uka, nug keeke adi aokunu amu Herodes Antipas amegpa akunu anig od metom. Od mete amu anig nug aum. “Na Layatak Johanes iki medakunu ape doyad!” awa aum. ²⁵ Nug anam a amu nid ahin nug paha edua uka, Herodes Antipas amegpa aum. “Na geha iikunab Layałak Johanes baag otadna, iki tapidpa mena, medakutnu ool daate,” awa aum.

²⁶ Nid ahin nug anam a amu Herodes Antipas nug oo ug okainab ele dayom amge nug tatam nai gagatag qeta aawo, do danab ag nug ele daapig amu ag ele nai amu doopig ²⁷ amunu nug paha nuhig daup laa amegpa, “Na gona, Johanes baag otadna, na nug iki aon do!” awa aum. Nug anam a, nuhig daup danab mani guitakpa uka, Johanes baag otada, ²⁸ nug iki tapidpa ma, awa udia, nid ahin mete, nug anig metom. ²⁹ Ag anam heeg amu Johanesnu ipunitak awak danab ag doon gona, Johanes gada aon gona boompig.

JESUS NUG DANAB 5000 E MATOM

³⁰ Aria Jesusnu ipunitak awak danab ag edun udieg, ag Jesus ele qag mena, ag udat hepignu amu nai ipuanadpignu ele Jesus amegpa apig. ³¹ Apa daaegeg, danab ah kuđum ag ukak uđiak heegeg, Jesus amu nuhikud ipunitak awak danab ele ag e lanaknu haen laa ii anidpig amunu Jesus Nug nuhikud ipunitak awak danab amelagpa aum.

“Ahapeggota, aben danab ii daat̄ebpa amu ag apa hik nakok aweg!” awa aum.

³² Jesus anam a amu ag ubpa tena, atu laih danab ii daat̄ebpa gopig. ³³ Ag anam gopig amge apan danab ag Jesus nuhikud ipunitak awak danab ele anadna doona, ag ab ohpanu ahan, baelagpa tatam anuqna gona, aben Jesus adi gokulagnu gopig amupa ag tatam tepig. ³⁴ Tena daaegeg amu Jesus Nug nuhikud ipunitak awak danab ele ag gona eedna, Jesus Nug danab ah kudum gona, aben amupa daaegeg anata, Nug ahilagnu oo doyom. Adinu? Ag am dod sipsip ag gumak danab iita, mauhnoak oiteb, amubia daapig. Nug oo doyak awa, Nug ag keeke kuđum ipuanađom.

³⁵ Ipuanađete aam no, nuhikud ipunitak awak danab ag Jesus gumidna dona, amegpa apig. “Imu am aben danab ii daat̄eb ele. Aam ele nođun hetę. ³⁶ Amu danab ah imu ag e laa iita amunu na ape, ag ahan, danab laulagpa amu ab ab ele gona, e aon laig!” aon apig. ³⁷ Ag anam aeg amu Jesus Nug aum. “Ag e madapeg laig!” awa aum. Awa a amu ipunitak awak danab ag apig. “Ehe, Ig goto, bret 1000 kina keeke anampa daden mekunigte? Ig men dodo amubia iitanab iita,” aon apig. ³⁸ Ag anam aeg amu Jesus Nug aum. “Ag epelagpa e gane daate. Gona anteg!” awa aum. Awa a amu ag gona, matin anidna, ag edun dona, amegpa apig. “Bret kunum tanig ele amu kakai adit ele daate,” aon apig.

³⁹ Ag anam aeg amu Jesus Nug ipunitak awak danab amelagpa aum. “Danab ah oh apeg doona, ag ameg ameg gikida enapa dayeg!” awa aum.

40 Nug anam a amu ipunitak awak danab ag aeg, danab ah anam daapig. Ameg laala eb qak 100, ameg laala eb qak 50. Ag anam daaeg ukom.
41 Ag anam daaegeg amu Jesus Nug bret tanig ele amu kakai adit ele diia ada, Nug hab atan neeka dayaya, unuqitom. Unuqitowa amu Nug bret, kakai ele pane ne, ipunitak awak danab ag aon panin mataglagnu mate, ag danab ah matlaeg,
42 oh laeg, ag oolag ditie, **43** e big dayom amu ipunitak awak danab ag aon, kaleg tuelp inaeg am beum. **44** Danab e lapig ele amu ahilag eb qak am 5000.

JESUS LE BADEPA OIYOM

45 Ag e lana malaeg amu Jesus Nug nuhikud ipunitak awak danab amelagpa aum. “Da danab ah imu oh qatiglagnu abipi, ag ahan, ubpa tena, Galelia le ameg matadna, laih Betsaida ukeg!” awa aum. **46** Nug anam a amu ag ahan ukaegeg, Jesus Nug danab ah amelagpa, “Enade ukeg,” awowa, Nug nuka amu unuqidkunu quakopa teum. **47** Ta dayeye, aam no, ipunitak awak danab ag ubpa, le ameg gamagpa ukaegeg, Jesus Nug nuka apa dayom. **48** Anam dayeye amu ulah okai ub nob awe, edue laih gokunu heehe amu ipunitak awak danab ag el qak udat okai heegeg, Jesus anatom. Anat, wagkadede butuanab Nug aha, le gada tapa, gumata uka, qe edata gokunu ukom amge ipunitak awak danab ag **49** Nug anam le gadapa ugeke, ag anidna, “Umuam dotog,” anana, badan, huan epig. **50** Ag oh anidna, ehed badaegeg, Jesus Nug ag amelagpa aum. “Ag gagatag dayeg! Imu daib, aib badapig,” awa aum. **51** Nug anam anana amu Nug

ub atan oola te, ulah okai to etom. To eṭe amu ipunitak awak danab ag dab mak kudum aopig.
⁵² Adinu? Ag Jesus bretpa kobol heum amu ag oolag ii maitom. Ag oolag ituak dayom. Jesus Nug ag atog noadkunu elele ii doopig.

⁵³ Aria ag le ameg matadna, Genesaret eedna tepig. ⁵⁴ Eedna teeg, haen amupanab amu apan danab ag Jesus anidna amu ag Nug iđu doona, ⁵⁵ ag paha ab ohpa gona, aeg doona, ag ođe danab diin, Jesus adepa dayom doona amu ag apa gu-midna gopig. ⁵⁶ Amu Jesus Nug ab ab oiyeye, ag ođe danab diin, ab gamagpa maadna, ag Jesusnu lamen daugib adaglagnu unuqidna apig. Unuqidna aeg amu ođe danab oh ag Jesusnu lamen adapig ele amu, ag adaeg, ag bedulag ena dayom.

7

KAYAKNU DO AM DANABNU DO EDIDTE

¹ Aria amu dimpa do gumak danab-Parasia amu do mehuqak danab ele ag Jerusalemnu ahan, Jesus gumidna gona, ² Jesusnu ipunitak awak danab laala, ag Juda dilag do amupanab epelag ii ihapig, ag epelag hamu ihona, e lanan daaegeg anadpig.
³ Juda dilag do gumak danab-Parasia amu Juda danab laala ele ag epelag ii ihana, ag alalkad apig amubia, ag e ii lateb. ⁴ O ag e odiak abenpanu edun, laķa gona, ag haen amu ele ag epelag ii ihana amu ag e ii lateb. Ag do laala kudum amubia dim lamidteb, hai goķodihaknu, wa ihaknu, amu tapidihaknu ele.

⁵ Anam hanhan hedapig amunu ag Jesusnu ipunitak awak danab epelag ii ihapig, e laeg anadna, ag Jesus amegpa apig. “Ipunitak awak

danab nahipad ag epelag ii ihona, e lat̄eb. Adinu ag alank̄ad dilag kobol ii dim lamid̄teb?” aon apig. ⁶ Ag anam aeg amu Jesus Nug ag amelagpa aum. “Anūka amu propet Jesaia nug ag ham bpuuak danab, ahilagnu tutuk̄u yom. Nai amuam inam. ‘Danab imu ag odelagpaib da binal met̄eb. Ag oolag amu uuida pidēnab daate. ⁷ Ag danab ah dilag do aakuib mehuqnana amu ag amunu, “Kayaknu do,” aon at̄eb amunu ag da hamu binal met̄eb.’ ⁸ Ag Kayaknu do uuidna, danab dilag do aakuib dim lamid̄teb,” awa aum.

⁹ Jesus Nug anam anana amu Nug nai baula tud̄ita aum. “Ag ahilag dab mak dim lamid̄kulagnu, Kayaknu do tabapeg nek̄unu doon aotna aot̄eb. ¹⁰ Imu ante! Moses nug aum. ‘Na anin mamen ele binalah mena, ahilah nai dim lamite!’ Amu nuhig nai laa ele am, ‘Danab nug Kayak onig diia, anig mameg ele a nob nau aoglahnu aku amu ag qepeg mauhad!’ ¹¹ Moses nug anam aum amge ag inam at̄eb. ‘Danab laa nug moni laa anig mameg ehanatk̄unu ele amge nug a amelahpa, “Da moni imu Kayaknu tituanmi,” anana amu ¹² nug anig mameg ele ii ehanatma.’ ¹³ Ag ag alalkad dilag donu anuqak doon dim lamid̄teb amupa ag heeg, Kayaknu do amu hamu bia daate. Ag keeke kudum amubia het̄eb,” awa aum.

¹⁴ Aria Jesus Nug baula danab ah kudum gumidna gokulagnu e, ag ukaeg, Nug amelagpa aum. “Ag nai dahil tutuk̄u doon, dab met̄an aotna aweg! ¹⁵ Keeke dimit̄imnu danab oopa note ele, keeke amu danab oo dubutid ii medte. Iita! Keeke danab dab makpa lokumak dayaya, odepānu dimit̄im bete, amuam danab oo he, dubutid medte. ¹⁶ [Danab

nug daug ele dayeb amu nug doyad!” awa aum.] **17** Nug anam anana amu Nug danab ah ele uuata, laka uke, nuhikud ipunitak awak danab ag nai amu, Nug nai amupa keeke danab ag dooteb ii dooteb ele ou aqata ipuanata matiom ele, nai amu diignu od medapig. **18** Od metae amu Jesus Nug aum. “Ag am danab laala ag dab mak iita biate amunu ag nai amunu diig ii dooteb? Ag doyeg! Dimitimnu keeke nug danab oopa noa heeb, danab amu nug oo dubutid ele ii daama. **19** Adinu? Danab nug e late amu e amu nug danab dab mak abenpa ii gote. Iita, nug danab biigpa uke, biie gote,” awa aum. Jesus Nug anam aum amunu ig dootem. E oh lanaknu am enaib. **20** Aria Jesus Nug anam anana amu Nug nai baula tudita aum. “Ehed hak nau oh am danabnu dab makpa dig mete amunu keeke amu nug he, danab oo dubutid medte. **21** Genab kobol ehad imu oh danabnu dab makpanu bete, dab mak nau, gapai kobol diigdiig, yabhok kobol, danab qe mauhak kobol, **22** ameg qak kobol, oo nauha amya oyak kobol, nai genab iita anak kobol, uda nak kobol, oo aeg bak kobol, danab laanu nai nau anak kobol, nuka binag mak kobol amu ham bupuak kobol kuđum laa ele. **23** Kobol amu oh danabnu dab makpa dig men bena heeg, danab nug hipunin he, oo dubutid ele daate,” awa aum.

WANLAAPANAH NUG JESUSNU OOPA GENAB DOYOM

24 Aria dimpa Jesus nug aha uka, ab onig Taia heqopa, lag laapa ta, apa lokuma daakunu ha dayom. Amge danab laala ag Jesus udjom doopig amunu Jesus Nug lokuma ii dayom. **25** Lokuma

ii dayom amunu ah laa, nug a_deg am oudi nau ele, nug Jesus apa dayom doya, nug paha gumi_{ta} u_ka, Jesus noobpa gateg qaun oom. ²⁶ Ah amu nug am Grik ah. Nug Panisia wan, Siria gumapig ele amupa dayom. Nug Jesus gumi_{ta} u_ka, Jesus Nug heeb, oudi nau nug a_deg bedupa dayom amu uuidkunu ii daye daye od me_tom. ²⁷ Ah nug anam a amu Jesus Nug aum. “Ig nid naunau dilag bret aot, qai ma_tagnig am kobil ena iita amunu nid naunau ag tatam lapege, oolag di_tiad!” awa aum. ²⁸ Awa a amu ah nug aum. “O Nad_i, ena atem ge nid naunau ag bret lanana heeg, bret hupu nakok balalpanu na qete ele amu qai ag balal waapa daana lat_eb,” awa aum. ²⁹ Nug anam a amunu Jesus Nug ahnu oopa genab doyak okai ele anta, Nug aum. “Na ena ame! Na oot gamag ahebeb, lautpa uke! Oudi nau nug na aden uuitom,” awa aum. ³⁰ Jesus anam a amu ah nug edua laugpa u_ka, nug a_deg balalpa niieye antom. Oudi nau nug genab uui_{ta} ukom.

JESUS NUG DANAB ODE, DAUG ELE ITUAK BABAITOM

³¹ Dimpa Jesus Nug Taia heqopa dayom apanu aha noa, Saidon gamagpa noa u_ka, Dekapolis apa wana u_ka, le ameg Galelia apa noum. ³² Nug no amu danab laala ag danab daug ituak, nai elele ii madi_te ele Jesus topa omalna gona, Jesus ehanidkunu unuqidpig. ³³ Unuqiteg amu Jesus Nug nu_ka danab amu omala, pide wana, epeg dodo danab daugpa me no, hunua, lema_du adom. ³⁴ Nug anam ha amu Nug hab atan neekeke, oo hik bopane, danab amegpa, “Epata,” aum. “Epata,” eduak am “Matulak daye!”. ³⁵ Jesus Nug anam a

amu danab amu nug daug paha matule, lemađu ele ug iiṭa me amu nug nai ena matiom. ³⁶ Aria Jesus Nug anam ha amu Nug aaķu keeke amunu matimnanu do gagaṭag meum. Meum amge ag amu dim ii lamidpig. Iiṭa. Ag gona, amunu madipig. Nug heum, amunu amananu Nug baubau, “Aib,” aum amge ag amu dim ii lamidpig. Iiṭa. Ag tudidna, huana Nug heumnu madipig. ³⁷ Ag Jesus heum anidna, ag huanak oṭaina, ag dab mak kuđum aonna, ag apig. “Nug ađi hetę amu Nug enaib hetę. Danab daulag ituak ele Nug he, ag nai dooṭeb amu danab odetup ele ag nai maditeb,” aon apig.

8

JESUS DANAB 4000 E MATOM

¹ Aria ded laa danab ah kuđumnab ag Jesus gumidna gopig. Ag gona daaegeg, e iiṭa amunu Jesus Nug ipunitak awak danab onilagpa e doeg Nug aum. ² “Da danab ah imu dilag ool dooṭe. Ag dahlipa udieg, ig ded ewam imu aaķu daamut. Ag e oh laaeg, iiṭa me, gemu amu ag e iiṭa. ³ Laala ag umanu udipig amunu da e ii maṭen hepi, ag enug aqebeb gonana, ib manpa ag amelag qitineb, nena qekulag,” awa aum. ⁴ Nug anam a amu nuhikud ipunitak awak danab ag apig. “Laih ipa amu danab ag ii daaṭeb amunu ig bret adepa aognig?” aon apig. ⁵ Ag anam aeg amu Jesus Nug od matom. “Ag bret gane apa daaṭe?” awa aum. Awa a amu apig. “Bret eblaih adit ele daaṭe,” aon apig.

⁶ Ag anam aeg amu Jesus Nug danab ah oh ag heđep nena daaglagnu anana, Nug bret awa, bret amunu Kayak amegpa, “Ena hen mekame,”

awowa, Nug pana, nuhikud ipunitak awak danab paniglagnu maṭe, ag panipig.⁷ Kakai nakok laipu laipu ele dayom amunu Jesus Nug amunu ele Mameg amegpa unuqitowa, paniglagnu ipunitak awak danab ele maṭom.⁸ Ag panieg, danab ah oh laeg, ag oolag ditie, e big dayom amu ipunitak awak danab ag aon inaeg amu kaleg eblaih adit am beum.⁹ Danab ah haen amupa e lapig ele amu eb qak ahilag 4000 anam.¹⁰ Ag e laeg, Jesus ag gokulagnu aum. Ag ukaegeg, Jesus Nug nuhikud ipunitak awak danab ele ag ub atan tena, ab okai onig Dalmanuta gopig.

¹¹ Jesus Nug uka te, do gumak danab-Parasia laala ag Jesus adaglagnu ib anidkulagnu ag Nug gumidna gona, ag Jesus Nug hab atan eponak keeke, danab hekunu elele iiṭa laa heeb anidkulagnu apig.¹² Ag hekunu aeg amu Jesus Nug nai amunu nuka gaḍa tuqak bia doya, Nug aum. “Adinu gemun danab ag da eponak keeke, danab hekunu elele iiṭa hepi anidkulagnu od medateb? Da gemu daateb imu amu ag anidkulagnu udat amubia amu da laa ii hepa,” awa aum.¹³ Nug anam anana amu Nug uuata, ub atan ta, le ameg Galelia matada laih ugeke, ipunitak awak danab nuhikud ag ele oh gopig.

YIS AM KOBOL NAU IPUNIGTENU NAI

¹⁴ Amu nuhikud ipunitak awak danab ag bret laa aon gokulagnu daulag atiom, laipuib am ubpa dayom ele amu aon gopig¹⁵ amu Jesus Nug ag amelagpa aum. “Ag do gumak danab-Parasia amu Herodes ele, amu dilag bret titidaknu keeke onig yis amunu dab meig!” awa aum.¹⁶ Nug anam a

amunu ipuniṭak awak danab ag aṭka aṭka apig. “Ig bret iiṭa amunu Nug anam aum,” aon apig.

¹⁷ Aon aeg amu Jesus Nug ahilag nai doya, Nug oopa guṭak doyaya, Nug aum. “Da bretnu ii ami. Ag amunu nai kuḍum aib madipig. Ag da keeke hemi iite dooṭeb? Ag dab mak iiṭate? ¹⁸ Ag dahil udatnu oolag maidkunu elele iiṭate? Ag udat amu daulag atiomte? ¹⁹ Ded laa da bret tanig ele panai, danab 5000 ag lana malaeg amu ag e hupu kaleg gane inaeg am beum?” awa aum. Awa a amu ag, “Tuelp” apig. ²⁰ Anam aeg amu Nug aum. “Aria, ded laa da bret eblaih adit ele panai, danab 4000 lana malaeg amu ag e hupu kaleg gane inaeg am beum,” awa aum. Awa a amu ag, “Eblaih adit ele,” apig. ²¹ Ag anam aeg amu Jesus Nug aum. “Anam amu ag doyeg! Da bretnu ii ami. Da ḥo gumak danab-Parasia amu Herodes ele, ahilag kobol eheḍnu ami,” awa aum.

JESUS HE, DANAB AMEG GADUAK EDUA NEEKOM

²² Aria ag ubpa gona, le daugpa eedna nona, gona Betsaida teeg, apan danab ag danab laa ameg nauhak ele omalna, Jesus gumidna gona, Nug danab amu bapaidkunu unuqidpig. ²³ Ag unuqiteg amu Jesus Nug danab amu epegpada, omala ab dimiṭim uṭa, Nug waḍu hune, danab amegpano, Nug epeg danab bedupa ma od metom. “Na keeke laa anidṭemte?” awa aum. ²⁴ Jesus Nug od mete amu danab nug aum. “Ao, da danab anadṭem amge tutukunab ii anadṭem. Ag am ad bia anadṭem,” awa aum. ²⁵ Nug anam a amu Jesus Nug epeg edua amegpa me, nug ameg ena daye, nug

elele neekom. ²⁶ Elele neeke amu Jesus Nug aum. “Na aib edun ab oopa gome. Na lautpa uke!” awa aum.

PETRUS NUG JESUS AM KRISTUS MIAG AUM

²⁷ Jesus Nug anam a amu ded laa nug nuhikud ipunitak awak danab ele ag ahan, ab nakok laa Sisaria Pilipai taliliak daapig amupa gopig. Ag gonana amu Jesus Nug od matom. “Danab ag dahilnu adi ateb?” awa od matom. ²⁸ A amu nuhikud ipunitak awak danab ag apig. “Laa ag nahipnu, ‘Layałak Johanes,’ ateb amge laa ag, ‘Nug am Elias,’ ateb amu laa ag, ‘Nug am propet laa,’ aon ateb,” aon apig. ²⁹ Anam aeg amu Jesus Nug aum. “Anam amge ag aka amu dahilnu adi ateb?” awa aum. Awa a amu Petrus nug aum. “Na am Kristus, Kayak Nug na tituanitom!” awa aum. ³⁰ Petrus nug anam a amu Jesus Nug ag nuhignu danab laala amelagpa matimmanu do gagatag meum.

JESUS NUG ATTEM MAUHKUNU DIG MA MATIOM

³¹ Aria haen amupa Jesus Nug dig ma nuhigpa, Nug am Danab Bekalag, nuhigpa adi bekunu amu ipuanaatom. Nug Juda iki danab, mana metak danab okai amu do mehuqak danab ele, ag Nug di metaglagnu, Nug guitak dookunu, mauhkunu, ded ewam ueeb edua hipaidkunu, keeke amu ohnu Nug dig ma, ipuanatom. ³² Nug miag atiak a amu Petrus nug omala, pide wana, dig ma daug batete, ³³ Jesus Nug edua, ipunitak awak danab laa oh neekata, Nug Petrus daug bata, amegpa aum. “Satan, na da dimulpa uke! Adinu? Na Kayaknu dab mak ii dim lamidtem,” awa aum.

34 Anam anana amu Nug danab ah amu nuhikud ipuniṭak awak danab ele ag onilagpa e udieg, Nug amelagpa aum. “Laa nug da dim lamidkunu oo dayeb amu nug nuhig dab mak dim lamidkunu dab ii mema, nuhig ug amu mawa, da dim lamidad! **35** Aria danab laa nug wanpan bau daakunu dab mak anuqak aote, dimpa nug bauklel hanhannu ii aoma amge danab laa nug dahilnu amu Nai Enanu ele anuqak doote, nug wanpanu bau dayak amunu anuqak ii doote amu nug am bauklel hanhannu aoku. **36** Danab nug wanpan keeke oh aote amge nug bau dayak hanhannu ii aote amu keeke amu nug aṭem ehanidku? **37** Nug adi keekepa bau dayak hanhannu daden meku? **38** Aria danab laa nug wan imupan hipunin danab, ag kobol ehed laala kuḍum heteb ele amu, nug ag oolagpa oiyaya, nug dahilnu, dahil nainu ele uda neeb amu dimpa da Kayaknu gagatag ele amu nuhikud engel ele edut udit, haen amupa danab amunu da ele uḍal neku,” awa aum.

9

1 Jesus Nug anam anana amu Nug nai baula tudit aum. “Da genab aṭem. Danab laala gemu ipa hipaidna daaṭeb ele amu ag paha ii mauhmana. Iṭa. Tatam Kayaknu ḍo mađod gagatag ele dig ma beeb anidna mauhkulag,” awa aum.

JESUS BEDU EDUOM

2 Aria ded eblaih laipu uue amu Jesus Nug Petrus, Jakobus, Johanes ele omalaṭa, qauko okai laapa te, ag aṭa daapig. Apa daanna amu Jesus Nug bedu eduom. **3** Bedu edue amu nuhig lamen

ele hakabnab epom. Wan imupanu danab laa nug lamen heeb, hakab amubia bekunu elele iita.
4 Jesus Nug anam dayeye amu Elias Moses ele a tulai doeħ, Jesus ele nai madipig.

5 Anam daaegeg amu Petrus nug Jesus amegpa aum. “Ipunitak danab, ig aben imupa daagnignu am enanag amunu na ape, ig peh ewam buugnig. Nahip laipu, Mosesnu laipu amu Eliasnu laipu ele,” awa aum. **6** Adinu nug anam aum? Ag badan daanna, nai laa anak iita amunu Petrus nug nai amu aum. **7** Ag anam daaegeg amu lombig laa ag tonatete, lombig oopa baag laa inam a doopig. “Imu am nid dahil, da nuhignu ool huanak mauhte. Ag nuhig nai doyeg!” awa aum.
8 Baag anam doona amu ag pahanab neekeg ugeke amu ag danab laa ii anidpig. Jesus nuka ag ele daanna anidpig.

9 Ag anam anteg amu Jesus Nug ag ele ahan, quako uun nonana, Jesus Nug ag kobol amu anidpig ele, ag amunu danab laa amegpa paha amananu do gagatag meum. Nug, Nug am Danab Bekalag amu, Nug tatam edua hibaiteb ag matiglagnu aum. **10** Jesus Nug anam a amu ipunitak awak danab ag nai amu aona, aka aka apig. “Edua hibaiteb nai am adi nai?” aon apig. **11** Ag aka aka anam anana amu ag Jesus od medapig. “Adinu ihinig do mehuqak danab ag, ‘Elias nug tatam udieb, dimpa Kristus udiku,’ ateb?” aon apig.
12 Ag anam aeg amu Jesus Nug aum. “Ag, ‘Elias nug tatam udia, keeke oh bapaidku,’ ateb amu ag genab ateb amge ag Kayak nai laa ele dab mekulag. Nai amuam inam. ‘Danab Bekalag da, da guitak doopi, gedilkulag.’ **13** Elias nug matu udiom amu ag

nuhignu ehed hekulagnu oolagpa dayom, yak niite amubianab ag hepig. Nai amunu niiom bia hepig amunu danab bekalagnu nai amu ele am anam beku,” awa aum.

NID LAA OUDI NAU ELE AMU JESUS OUDI AMU LAMITOM

¹⁴ Jesus Nug nuhiķud ipunitak awak danab ewam ele ag anam anana amu ag nuhiķud ipunitak awak danab laa gumadna gona, ag danab ah kudum qag mena daaegeg anadpig. Do mehuqak danab laala ag Jesusnu ipunitak awak danab ele awa awa qetak nai madipig. ¹⁵ Danab ah kudum ag Jesus anidna, ag otaina, ag ahan gumidna gona, “Aaku udime,” apig. ¹⁶ Anam aeg amu Jesus Nug ipunitak awak danab apa daapig ele amu od matom. “Ag keeke adinu do mehuqak danab ele nai aeg ona aeg doṭe?” awa aum.

¹⁷ Nug anam a amu danab ah kuđum oolagpan danab laa nug Jesusnu od mak nob ma aum. “Ipunitak danab, nid dahil nug ouđi nau ele, nai matiaknu elele iīta amunu da awe, na gumiće udimi. ¹⁸ Haen kuđum ouđi nau amu nug he, nid dahil nug wanpa na qa, hipadu neene, nug aeg ganudada, bedu ele tai edate. Amunu da nahipad ipunitak awak danab ouđi nau amu lamidkulagnu od matami amge ag elele iīta,” awa aum. ¹⁹ Danab nug anam a amu Jesus Nug aum. “Ag oh oolagpa genab doyak iīta. Da ag ele haen elab daamut amge ag dahilnu oolagpa genab ii dooteb amunu da ool ug ele. Ag haen ganeb ag dahilnu oolagpa genab dooglag? Ag nid amu omalna dahilpa doig!” awa aum.

20 Nug anam a amu ag nid omalna, Jesus topa waeg, oudi nau nug Jesus anta, nug paha he, nid nug bedu hahadede, na qa wanpa niiaya, itodieye, hipadu neum. **21** Anam heehe amu Jesus Nug nid mameg od metom. “Nid imu nug inam hete ele amu, haen adekuwanab dig meum?” Awa a amu nid mameg nug aum. “Nug nid nakokpa imu dig meum. **22** Haen kudumoudi nau nug nid imu heeb mauh^kunu he, ab adupa o lepa na qete amunu na elele dootem dayeb amu na ihinihnu oo doyak doona ehanite,” awa aum. **23** Nug anam a amu Jesus Nug aum, “Da hekulnu elele amge na amunu ootpa genab dootemte? Danab nug oopa genab doyak ele amu nug keeke oh hekunu elele,” awa aum. **24** Jesus Nug anam a amu nid mameg nug aum. “Da oolpa genab nakokib dootem amge na hepe, okai bad!” awa aum.

25 Nug anam a amu Jesus Nug danab ah kudum qag meeg anta, Nug oudi nau amegpa, “Ode ituak, daug ituaknu oudi nau, na nid imu padaidna gona, bau edun nug bedupa aib udime!” awa aum. **26** Jesus Nug anam a amu oudi nau nug gayowa, nug nid huan udala, uui^ta ukom. Ugeke amu nid nug mauhak bia niiaye, danab laala kudum ag, “Nug mauhom,” apig. **27** Ag anam apig amge Jesus Nug nid epegpa ade, aha hibaitom. **28** Aria dimpa Jesus Nug laka uke, nug nuhikud ipunitak awak danab ele daanna, ag Nug od medapig. “Adinu ig oudi nau amu lamid^kunignu elele iita?” aon apig. **29** Aon aeg amu Jesus Nug aum. “Laa nug oudi nau imubia ib laapa ii lamidma. Iita. Unuqitakpa aakuib,” awa aum.

JESUS NUG BAULA ATEM MAUHKUNU AUM

³⁰ Ag anam hewona amu ag ahan nona, Galelia wanpa Kapenaum go_kulagnu gonana, Jesus Nug danab laala nug anid_kulagnu oo ii dayom. ³¹ Adinu? Nug nuhikud ipunitak awak danab nuhignu inam ipuanatata aum. “Danab Be_kalag da amu danab laa nug da danab epelagpa meideb, ag hepeg, mauh_kul. Mauhoya amu ded ewampa da eduen hipaid_kul,” awa aum. ³² Nug anam a amu ag nai amunu oolag tutuk_u ii mai_tom amge ag Jesus Nug nai amu mehuqkunu od metaglagnu badapig.

AUN KAYAK AMEGPA OKAI DAATE

³³ Ag gona, Kapenaum tena, la_ka daanna amu Jesus Nug od mat_om. “Ig ibpa oitta amu ag adi keekenu madipig?” ³⁴ Nug anam od mate amu ag ibpa, aun ag oolagpanu am okai dayom amu madipig amunu ag Jesusnu od mak amu nob ii mepig. ³⁵ Ag anam heeg amu Jesus Nug ag onilagpa e doeg, Nug aum. “Danab laa nug anuqak daakunu oo dayeb amu nug danab laala oh waalagpanab dayaya, ahilag udat nid dayad!” awa aum.

³⁶ Nug anam anana amu Nug nid nakok laa awa, ag oolagpa me, hiba_ta dayeye, odokia aum. ³⁷ “Danab laa nug da onilnu nid nakok laa imubia oo met_a humid_te amu nug da oo med_a humid_te. Amu laa nug da oo med_a humid_te amu nug daib ii humid_te. Iita. Nug da Mamel ele oo met_a humid_te,” awa aum.

EHANITAK KOBOL AM NOB ENA ELE

³⁸ Jesus Nug anam a amu Johanes nug Jesus amegpa aum. “Ipunitak danab, ig danab laa nug

na oninpa oudi nau lamaṭe anidmut amge nug am ig dim lamiķe ii oītem amunu ig nug oudi nau lamadmanu do memut,” awa aum. ³⁹ Awa a amu Jesus Nug aum. “Danab nug udat okai amubia da onilpa hete ele amu nug paha dahilnu nai ehed laa akunu elele iita amunu ag nuhig udat amu aib okulpig. ⁴⁰ Adinu? Danab nug ihinig keked iita amu nug am ig lainig. ⁴¹ Anteg! Aun nug ag anaṭa, ag am dahilad amunu nug ag ehanata, le ougib hai gokodpa madaṭe amu Kayak Nug danab amu nob ena medaku, Nug daug iinab atima.

LAA HE, HIPUNIN HAKNU NAI

⁴² Amge danab laa nug nid nakok laa, nug dahilnu oopa genab doote ele amu, nuhig oopa genab doyak heeb aib nauhom. Nug anam heku am naunab. Nug ii heum haenpa danab ag nug baagpa men qakan, maopeg yupa noa mauhlo amuam nakok nau amge nug dayaya, nid nakok laanu oopa genab doyak heeb nauhku, amuam naunab nau. ⁴³ Na epen amu nug na hipunin hekutnu eedidte dayeb amu na epen laih amu okule! Na epen laihigib ele daanna, na haen oh bauklel daakut, amuam ena. Amge na epen adit oh ele daakut amu ag na aben ehedpa mawidpeg goķut amuam ena iita. Apanu ab amu nug ii qauhṭe. ⁴⁴ [Ge! Apa amu gauat ag ii mauhṭeb amu ab ele nug ii qauhṭe.] ⁴⁵ Amu na baen nug na hipunin hekutnu eedidte dayeb amu na baen laih amu okule! Na baen laihigib ele daanna, na haen oh bauklel daakut amuam ena. Amge na baen adit oh ele daakut amu ag na mawidpeg, aben ehedpa goķut amuam ena iita. ⁴⁶ [Apa amu gauat

ag ii mauhteb amu ab ele nug ii qauhte.] ⁴⁷ Laa ele amu na amen nug na hipunin hekutnu eedidte dayeb amu na amen laih amu kehan, maope ukad! Na amen laipuib ele hab abpa gokut amuam ena. Amge na amen adit oh ele daanna, aben ehedpa gokut amuam ena iita. ⁴⁸ Apa amu gauat ag ii mauhteb amu ab ele nug ii qauhte,” awa aum. ⁴⁹ Yu ab ele am nakok udat laipu bia hetep amu Jesus Nug nai baula tudita aum. “Ab nug keeke laala ewe, opia awak daate. Yu kalu amu nug ele anam. Aria ag da dim lamidteb ele amu ded laala ag ug anidkulag. Ug amuam yu kalu ewak bia. Nug heeb, ag elele oiglag. ⁵⁰ Yu kalu am keeke ena amge nug yu ubuhi iita dayeb amu atem hepup, nug edua ubuhi ele daaku? Dahil nai am yu kalu ena, nuhig ubuhi ii iita meum ele, amubia amunu ag dahil nai tutuk doonna, ag hanhan madod daanna oyeg!” awa aum.

10

NUG AWAK OTADAKNU NAI

¹ Jesus anam ana mala amu Nug Kapenaumnu aha uka, Juda wan laa Jodan le laih dayom ele amu apa ukom. Uka apa dayeye amu danab ah kudum ag Nug gumidna ukaeg, Nug kobol hanhan hetom amubia ag amelagpa Kayak nai ipuanaatom.

² Haen amupa amu do gumak danab-Parasia ag Jesus gumidna gona, Nug inam od medapig. “Thinig dopa amu danab laa nug ah nuhig lamiteb goku am enate o ena iitate?” aon apig. Ag Jesus adaglagnu ib anidkulagnu anam od medapig. ³ Ag anam od metaeg amu Jesus Nug odelagpa awa,

od maṭom. “Keeke amunu amu Moses nug do atem meum?” awa aum. ⁴ Nug anam a amu ag apig. “Moses nug inam aum. ‘Danab laa nug waulamidkunu oo dayeb amu nug nai amu uđugpa ya, wau metowa, lamiṭeb goču,’” aon apig. ⁵ Ag anam aeg amu Jesus Nug aum. “Ao, amge ag am oo doyak ele ii dootęb amunu ag ah ug okai maṭamnanu, ag hamu lamadmananu, Nug do bau, ag geha iiku amunu apig amu meum. ⁶ Amge tatam keeke oh heum haenpa amu anam iiṭa. Haen amupa Kayak Nug adi heum amu danab laa nug amunu inam yom. ‘Kayak Nug danab ah ele hatom,’ ⁷ amunu diig amunu danab nug anig mameg ele uuata, nug wau ele ou qeya, ⁸ adit amu a bedulah laipu daaglah. A anam heyä, a baula adit iiṭa. A am bedulah laipu. ⁹ Aria ag doyeg! Danab ah ele a nug aoṭep amu Kayak Nug nuča matulatom amunu danab laa nug amu aib otadom,” awa aum.

¹⁰ Nug anam a amu Nug nuhikud ipuniṭak awak danab ele ag ahan, laka gona, ag Jesus nai amunu od medapig. ¹¹ Od meṭaeg amu Nug ag amelagpa aum. “Danab laa nug ah nuhig lamiṭowa, nug ah bau aoṭe amu danab amu nug gapai kobil hetę. ¹² O ah laa nug danab nuhig lamiṭowa, nug danab bau aoṭe amu ah amu nug gapai kobil hetę,” awa aum.

JESUS NID NAUNAU ELE

¹³ Aria danab ah ag nid naunau omaladna, Jesus Nug epeg bedulagpa ma, itiṭak madakunu gumidna učaeg amu Jesusnu ipuniṭak awak danab ag anadna, laa nid omaladna uđipig ele amu aladpig. ¹⁴ Ag alategeg, Jesus Nug anata, kobil hepig ele

amunu nug oo nauhe, amelagpa aum. “Danab ag nid naunau bia daateb, ag am Kayaknu do mađod oopa daateb amunu ag nid uuadpeg, dahilpa doig! Ag ib ahilag aib oo nepig. ¹⁵ Da genab ag amelagpa ațem. Danab nug Kayaknu do mađod nid nakok aote amubia ii aoku amu nuhignu ib laa iița,” awa aum. ¹⁶ Nug anam anana amu nug nid naunau odakița, epeg bedulagpa ma, itițak mațom.

DANAB BAU ENUB OKAI ELE JESUS GUMITA UKOM

¹⁷ Jesus Nug anam ha mala amu Nug ibpa ugeke, danab laa nug qaibađ Jesus gumița uka, Jesus baegpa gateg qaun wa aum. “Ipunitak danab ena, da bauklev hanhannu aokulnu amu da ațem hekul?” awa aum. ¹⁸ Nug anam a amu Jesus Nug aum. ‘Kayak Nug nuka am ena amunu na dahilnu, ‘Danab ena,’ ame amu na nai amunu tatam dab mewona ame, o iița na hamute ame? ¹⁹ Amge nahip od maknu amu na do oh dootem. Na gapai kobol aib heme. Na danab aib qepe mauhom. Na yabhoi aib heme. Na danab laanu ham bupuak nai aib matime. Na kobol ham bupuakpa keeke aib aome. Na anin mamen ele odelah dim lamidna binalah me!” awa aum. ²⁰ Jesus Nug anam a amu danab amu Nug aum. “Ipunitak danab, da nid nakok dayeye, do amu oh dim lamiți uđie, gemu ele anamib hetem,” awa aum. ²¹ Awa a amu Jesus Nug danab amunu dab mak awa, nuhignu oo mauhe amu nug amegpa aum. “Keeke laipunu amupaib na elele iița. Na gona, na enun oh mepe, danab laala daden mepeg, na men dodo amu oh aon, dadek danab mațona, na hab ațan enun okai ele daakut. Na anam hewona amu na edun da dim

lamide!” awa aum. ²² Jesus Nug anam a amu danab amu nug nai amunu iđu tiguguđe, nug eđua, oo ug ele uđom. Adinu? Nug enub kuđum ele.

²³ Nug ugeke amu Jesus Nug eđua, ipunitak awak danab nuhikud ag amelagpa aum. “Danab ag enulag kuđum ele amu ag Kayaknu do madod oopa gokulagnu am ug okai ele,” awa aum. ²⁴ Jesus Nug anam a amu nuhikud ipunitak awak danab ag nai amu doon, dab mak kuđum aweg anađa amu Nug ag amelagpa aum. “O nid nađud, Kayaknu do madod oopa gokunu am ug ele. ²⁵ Dod laa onig kamel nug koitaknu tutui gidopa nođunu am ug ele amge danab nug enub kuđum ele amu, nug Kayak do madod oopa gođunu am ugnab ele,” awa aum. ²⁶ Jesus anam a amu nuhikud ipunitak awak danab ag ođainna, aka aka apig. “Anam dayeb amu aun nug bauknel aokunu elele?” aon apig. ²⁷ Aon aeg amu Jesus Nug tutuku neekata aum. “Danab ag aka elele iđa amge Kayak Nug anam bia ii daate. Kayak Nug keeke oh heđunu elele,” awa aum.

²⁸ Jesus Nug anam a amu Petrus nug aum. “Ig ihinig keeke oh uut, na dim lamidđem,” awa aum. ²⁹ Awa a amu Jesus Nug eđua ag oh amelagpa aum. “Da genab ag amelagpa atem. Danab laa nug dahilnu amu dahil Nai Enanu ele ha, nug anig, mameg, amag, awag, apinag, nug wau, bekod, adekud, nug laug amu nuhig dad ele uuđa, da dim lamidđte, ³⁰ nug geha haen imupa hamu ii daama. Iđa! Nug awakud, amakud, apinkud, anikud, nid naunau amu dad ele tudita, wan handat baula aoku. Laa ele amu danab laala ag qagaitak kuđum metaglag amge nug bau hanhan aoku. ³¹ Amge

danab kuđum anuqak daaṭeb amu ag dim daaglag. Am kuđum laa ag dim daaṭeb amu ag anuqkulag,” awa aum.

JESUS NUG BAULA AT EM MAUHKUNU AUM

³² Amu ag Jerusalem gokulagnu ibpa gonana amu Jesus Nug anuqa ugeke, ipunitak awak danab ag dab mak kuđum aonna, dim lamidpig. Danab laala Jesus dim lamidpig ele amu, ag ahilagpa adi bekunu badanna, dim lamidna gopig. Anam gonana amu Jesus Nug nuhiķud ipunitak awak danab ag onilagpa e, gumidna uķaeg, Nug di-iata, pide wana, nuhigpa keeke adi beku amunu amelagpa inam aum. ³³ “Doyeg! Ig gemu iiku Jerusalem goṭem. Goput, laa nug Danab Bekalag da, mana metak danab okai amu do mehuqak danab ele ag epelagpa meideb, ag da hetodiakpa meidna, iupeg mauhkulnu nai qakana, ag da iita adi epelagpa meidkulag. ³⁴ Meidpeg amu iita adi ag aon aon iuna, wippa ehed matadilna, hunu iuna, iupeg mauhpi, ded ewam ueeb amu da eduen bau ahakul,” awa aum.

JAKOBUS JOHANES ELE OKAI DAAGLAHNU JESUS OD MEDAPID

³⁵ Amu dimpa Sebedi bekod Jakobus, Johanes ele, a Jesus gumidya goya apid. “Ipunitak danab, na ihinihnu keeke laa hekutnu oonih daate,” aoya apid. ³⁶ Anam aeh amu Jesus Nug od matom. “Da ahilahnu adi hekulnu oolah daate?” awa aum. ³⁷ Awa a amu a apid. “I oonih inam daate. Dimpa na okai daanna, wan imu oh gumanna, na ape, i amu na heqon laih laih daagnih. Laa na heqon nadiapa dayebeb, laa na heqon nanehpa daaku,”

aoya apid.³⁸ A anam aeh amu Jesus Nug a amelaha aum. “A at̄ep amu a keeke amu ii doot̄ep. Keeke ehed laa da tonid̄ku, keeke amuam le mua bia, a le mua amu, da lakul amubia lakulahnu elelete?” awa aum. ³⁹ Awa a amu a apid. “I am elele!” A anam aoya aeh amu Jesus Nug aum. “Genab le mua ele, da lakul amu a ele lakulah ⁴⁰ amge aun nug da heqol nadiappa daaku, aun nug da heqol nanehpa daaku amu da akulnu elele iita. Da Mamel Kayak Nug aben adit amu aunnu babaitom amu a aakuib amupa daaglah,” awa aum.

⁴¹ Jesus, Jakobus, Johanes ele ag anam mat̄iegeg amu ipunit̄ak awak danab eblaih tanig ele laa ag doona, ag Jakobus, Johanes ele ahilahnu oolag nauhom. ⁴² Oolag nauhe amu Jesus Nug ag oh onilagpa e, gumidna doeg, Nug ag amelagpa aum. “Ag doot̄eb, wan imupan danab ah oh ag danab okai waalagpa daat̄eb amu danab okai ag do adi met̄eb amu danab ah ag amuib dim lamid̄eb. ⁴³ Amge kobil amu ag oolagpa aib dayom. Iita. Danab laa nug ag oolagpa okai daakunu oo dayeb amu nug ahilag ehanit̄ak dayad! ⁴⁴ Amu ele danab laa nug ag oolagpa anuqak daakunu oo dayeb amu nug ahilag begbeg dayad! ⁴⁵ Ag anam hekulagnu diig amu Danab Bekalag da, da wan imupanu danab ah ag da ehanid̄kulagnu ii udimi. Iita! Da ag ehanadkulnu udimi amu da dahil mauhakpa danab ah kuđum baukkel hanhannu aoglagnu ele udimi,” awa aum.

*JESUS HE, BATIMIAS EDUA NEEGKUNU ELELE
DAYOM*

46 Ag ibpa gona, Jeriko apa tena, Jesus Nug nuhi^{kud} ipuni^{tak} awak danab amu danab ah laala ku^{dum} ele ag Jeriko edidna u^{kaegeg}, Timon be^{ka} Batimias, nug ameg ga^{duak} amu, nug apa ib daugpa dayaya, danab men dodo keeke, metaglagnuunuqad^{tom}. **47** Nug unuqata dayaya amu nug, “Nasaret ted Jesus udite,” doya, nug huanak ewa aum. “Dawit be^{ka} Jesus, na dahilnu oot gai iita doye!” awa aum. **48** Nug anam aawo amu danab laala ku^{dum} ag aidna apig. “Na od^{en} qamute!” aon apig amge nug nai amu ii doya, baula huanak ewa aum. “Dawit be^{ka}, na dahilnu oot gai iita doye!” awa aum. **49** Nug anam eewo, Jesus Nug doya amu Nug hibaita dayaya, amelagpa aum. “Ag onigpa epeg doad!” awa aum. Nug anam a amu ag danab ameg ga^{duak} ele ame^{ga} apig. “Na oot gamag ahad! Na Nug gumidna go^{kutnu} aum amunu na ahan wa!” aon apig. **50** Ag anam aeg, nug doya, nug lamen ulahnu udowa, paha aha, Jesus gumi^{ta} waum. **51** Nug gumi^{ta} wa amu Jesus Nug od me^{tom}. “Da nahipnu adi hekulnu oot daate?” awa aum. Awa a amu nug aum. “Ipuni^{tak} danab, na hepe, da neegkulnu ool daate,” awa aum. **52** Danab nug anam a amu Jesus Nug aum. “Na dahilnu ootpa genab doome amunu na neegkulnu elele. Enad u^{ke}!” awa aum. Nug anam a amu pahanab danab amu nug neekunu elele dayom amunu nug Jesus ibpa dim lamit^{om}.

11

JESUS DONKI ATAN TA JERUSALEM UKOM

¹ Aria ag gona, Jerusalem gukuidna, ag Betani, Betpasi, Olipnu Qauko ele guguitak apa, Jesus Nug ipunitak awak danab adit amelahpa aum. ² “A goya, ab nakok miag amupa teya, apa ab daugpa a donki nag laa nakok okai meum qakak daate ana anidkulah. Donki amu nug bau, danab laa nug atan ta ii oiyom. Anidya amu uhuqya, aoya udied! ³ A anam hebeped amu danab laa nug, ‘Adinu a anam hetep?’ ab amu a inam aid! ‘Nadi Nug donki imunu udat ele. Haen elabnu iita. Nug paha edua meeble udiku.’ A anam aid!” awa aum.

⁴ Jesus Nug anam a amu a goya, donki bau ab oopanu ibpa lag odpa qakak dayeye anidpid. Anidya amu a uhuqeheh, ⁵ danab laala ag guguitak daanna, ag od matapig. “Adinu a donki amu uhuqtep?” ⁶ Od mataeg amu a Jesus aum Nug ode bia aeh amu ag, “Ena,” aon apig. ⁷ Ag anam aeg, ipunitak awak danab adit a donki amu aoya, Jesus gumidya ukaeh, ag lamen ulahnu donki gomepa duqeg, Jesus Nug donki atan teum. ⁸ Ta dayeye amu danab kuđum ag ahilag lamen ulahnu ib manpa duqaeg, laala ag ad epeg okulna, ib manpa mepig. ⁹ Anam duqegeg, Jesus ugeke, amu danab laala ag anuqna, Jesus noobpa ukaegeg, laala ag Jesus dim lamitegeg amu ag oh enan apig. “Ig Kayak onig humatu! Danab imu Nug Kayak onigpa udite, Kayak Nug itidte. ¹⁰ Danab imu Nug ig alanig Dawit dayom amubia daakunu udite amu Kayak Nug itidte. Kayak, Nug atan daate ele amu, ig Nug onig humatu!” aon apig. ¹¹ Ag gona, Jerusalem tena amu Jesus Nug Juda dilag mana metak lag oopa noa, keeke oh anaña malowa, tueb meum amunu Nug nuhi куд ipunitak awak danab

ele ag edun, Betani gopig.

***JESUS NUG DANAB MANA METAK LAKA EHED
HEPIG AMULAMATOM***

¹² Aria ded amu dimpa, butaua amu ag Jerusalem gokulagnu Betaninu ahan ukaegeg, Jesus Nug enug qeum. ¹³ Ag gonana amu Jesus Nug neeke, nakok uma uke, ad pig antom. Ad amu nug udug kudum amunu Jesus Nug meu aokunu gukuita uka, meunu haen iita amu Nug meunu neeka, Nug meu laa ii antom, udugib. ¹⁴ Anam antom amunu Nug aum. “Na baula meut iinab omana!” awa aum. Awa a amu nuhikud ipunitak awak danab ag nai amu doopig.

¹⁵ Doona amu ag gona, Jerusalem tena amu Jesus Nug Juda dilag mana metaknu lag oopa noa, Nug danab lag amu oopa mana metaknu keeke dadennu maadpig, laala daden mepig ele amu Nug ag oh lamatom. Apan danab laala ag men dodo baolipig ele amu nug ahilag balal huma awe, uka na qe, am laala ag upudil meeg, daden maadpig ele amu ahilag dayak aben ele huma awe, uka na qeum. ¹⁶ Laa ele amu Jesus Nug, “Ag keeke aon laih gokulagnu amu ag Kayak laug oopa nona gokulagnu am elele iita,” awa aum. ¹⁷ Jesus Nug anam hewowa amu Nug ag amelagpa aum. “Kayak naipa yak inam daate. ‘Da laul am danab oh dilagunuqitak lag,’ amge ag heeg, nug yabhok danab dilag lokumak aben bia daate!” awa aum. ¹⁸ Jesus Nug anam a amu mana metak danab okai amu do mehuqak danab ele ag danab ah laala kudum Jesusnu nainu oolag dayom anidpig amunu ag Jesusnu badan, qepeg mauhkunu ib

madipig. ¹⁹ Jesus Nug anam he amu tueb meeme, Jerusalem oopa niiak aben oh am beum amunu Nug nuhiꝝud ipunitak awak danab ele ag ahan, ab laapa niiglagnu gopig.

JESUS HE, AD PIG BUNADOM

²⁰ Ag niipig butua amu ag edun, Jerusalem gokulagnu ahan gona, ibpa ag ad pig, Jesus ad amunu meu baula ii omanu aum ele amu, nug epeg didi oh bunadom anidna, ²¹ Petrus nug dab mak awowa, Jesus amegpa aum. “Ipunitak danab, ante! Tumai na ad pig bunadkunu ame amu aaku bunadom!” awa aum. ²² Petrus nug anam a amu Jesus Nug aum. “Ag unuqitakpa keeke laa hepege bekunu oolag dayeb amu ag Kayak Nug hekuunu amu ag oolagpa genab doyeg! ²³ Da genab ag amelagpa atem! Danab laa nug Kayaknu oopa genab doyak ele, nuhig dab mak adit iita amu nug qauko imu amegpa, ‘Na ahan yupa uke!’ ab amu nug anam heku. ²⁴ Amunu ag keeke laa bekunu unuqidnana, ag aoglagnu oolagpa genab doonna amu ag unuqidpig amubia ag aoglag. ²⁵ Laa ele amu na unuqidnana, na Mamen, hab atan daate, Nug nahip hipunin uhuqa medaikunu amu danab laa nug nahipnu ehed heum dayeb amu na hipunin amu uhuqna mete! ²⁶ [Amge na danab laanu hipunin uhuqna ii medape amu na Mamen, Nug hab atan daate amu, Nug ele nahip hipunin uhuqa ii metama.”]

JUDA DILAG OKAI AG JESUS NUHIG UDATNU OD MEDAPIG

²⁷ Ag nai amu matinna gona, Jerusalem tena amu Jesus Nug mana metak lag oopa noa oyeye, mana

metak danab okai amu do mehuqak danab amu Israel dilag gumak danab ele ag Jesus gumidna gona, ²⁸ Nug od medapig. “Na gagatag adipa udat imu hetem? Aun gagatag amu mete, na udat imu hetem?” aon apig. ²⁹ Ag anam aeg amu Jesus Nug aum. “Da ele ag keeke laipunu od madapi, ag nob mepeg amu da gagatag adipa udat imu hetem, diig amu api dooglag. ³⁰ Od mak dahil am inam. Johanesnu layatik am adepanu beum, keeke amuam hab atannu keeke o iita amuam danabnu keekeib? Ag amu apeg dookul,” awa aum. ³¹ Jesus anam a amu ag aka aka matin apig. “Ig, ‘Habnu keeke,’ aput amu Nug, ‘Anam amunu ag adinu oolagpa genab ii doopig?’ aku. ³² Amge ig, ‘Danabnu keeke,’ aput amu danab ah oh ag Johanesnu, nug am propet oolagpa genab dooteb amunu ag iqapeg mauhkunig,” aon apig. ³³ Ag aka aka anam anana amu ag Jesus amegpa apig. “Ig ii dootem,” aon apig. Aon aeg amu Jesus Nug aum. “Aaku amunu da ele gagatag adipa udat hetem amu da api ii doomna,” awa aum.

12

DAD GUMAK DANABNU NAI

¹ Jesus Nug anam awowa amu Nug dig ma, keeke danab ag dooteb ii dooteb ele ou aqata, ipuanata, inam aum. “Danab laa nug grep dad epowa, ad ita, dad oopa grep lepu awaknu aben laa ha, nug dad gumak danabnu lag elab laa ele heum. Aria nug udat amu oh ha mala, udat hak danab epelagpa mewowa, nug aha, atu laih umanab ukom. ² Uka dayeye amu grep meu awak

haen be, nug begbeg danab nuhig me, grep meu laih nuhig aokunu udat hak danab gumata ukom.
³ Uke amu dad udat hak danab ag adanna, makudna meeg, edua hamu ukom. ⁴ Edua uke amu dad mameg nug begbeg laa me uke, dad udat hak danab ag danab amu iki ona, kobol ehed laala ele nuhigpa hepig. ⁵ Anam heeg amu nug begbeg laa ele me uke, dad udat hak danab ag nug qeeg mauhom. Mauhe amu dad mameg nug laala ele maate ukaeg, dad udat hak danab ag laala makudadna, laala ag aqaeg mauhpig.

⁶ Dad mameg nug anam ha mala amu nug beka, nug beka laa iita, laipuib, nug nuhignu oo huan mauhtom ele amu nug me ugeke, inam aum. ‘Da bekal amu ag nug odo dooglag,’ awa aum. ⁷ Nug anam a, nug beka uke amu dad udat hak danab ag anidna, ag aka aka apig. ‘Nid imu nug dimpa mamegnu keeke oh aoku amunu ahapeg, ig qeput mauheb, dad imu amu ihinig daaku,’ aon apig. ⁸ Ag anam anana amu ag ahan gona, nid amu qeeg mauhe, ag nug gadu budieg, dad dimitim ukom.’ Jesus Nug anam matiom. ⁹ Jesus Nug anam anana amu Nug nai tudita od matom. “Ag anam hepig amunu dad mameg nug ahilagnu adi heku? Da ag amelagpa atem. Dad mameg nug aha uka, nuhig dad udat hak danab amu oh aqeb mauhpeg amu nug grep dad amu edua awa, danab laala epelagpa meku,” awa aum. ¹⁰ Nug anam anana amu Jesus Nug tudita aum. “Ag nai laa Kayak naipa daate ele amu, ag iite eb qepig. Nai amuam inam. ‘Men laa amu lag hak danab ag men amu uupig amge lag mameg nug men amu awa me, lagnu

men anuqak daate. ¹¹ Nadi Nug keeke amu he beum amunu ig amenigpa anidta otaitem,’ ” awa aum. ¹² Jesus Nug anam a amu Juda danab okai ag Jesus Nug keeke danab ag dooteb ii dooteb ele ou aqata, ipuanat k nai amu ag ehed hak ahilag anidkulagnu matiom doopig amunu ag Jesus adaglagnu ib madipig. Madipig amge ag danab ah laala ku dum ele badadpig amunu ag Jesus uidna gopig.

TAKIS KAISA METAKNU NAI

¹³ Ag gona amu ag do gumak danab-Parasia amu Herodesnu ehani tak danab oolagpanu laipu laipu ele maateg gona, ag Jesus takisnu od medapeg, Nug ehet ab, ag Nug adaglagnu gopig. ¹⁴ Ag gu-midna gona amu ag apig. “Ipunit k danab, ig dootem, na am danab tutuk . Na danab okai onig ele o danab onig iita amu na amu ohnu dab ii metem. Iita, na nai genabib atem. Na nai genab amupaib danab ah Kayaknu kobil ipuanadtem amunu keeke imunu ape doognig. Na atem dootem? Ig takis Kaisa metagnig am ena o ena iita? ¹⁵ Ig metagnig o iita?” aon apig. Ag anam apig amge Jesus Nug ahilag dab mak ham bupuak doya, Nug aum. “A dinu ag da adailkulagnu het b? Ag men dodo laa onig danarius aon dopeg, da ante!” awa aum ¹⁶ Awa a amu ag men dodo laa aon doeg, Jesus Nug ag od matom. “Men dodo amupa am aun onig dot g ele daate?” awa aum. Awa a amu ag, “Kaisanu,” aon apig. ¹⁷ Ag anam aeg amu Jesus Nug aum. “Aria ag Kaisanu keeke amu ag Kaisa metaglag amge Kayaknu keeke amu

ag Kayak meteg!” awa aum. Awa a amu ag dab mak kuđum aopig.

EDUA HIBAITAKNU NAI

18 Aria ḍo gumak danab-Sadusi ag Jesus topa udipig. Danab amu ag, “Danab mauhteb amu ag edun ii hipaidmana,” aon adapig amunu ag Jesus od metan apig. **19** “Ipunitak danab, Moses nug ihiñignu nai laa inam yom. ‘Danab ah ele a ewau daaiya, a nid ii aopiđ haenpa danab nug mauheb, ah nug bau dayebeb amu danab amu amag nug ah amu aweb, a nid menuglah amge a nid menuglah amu, nid amuam danab amunu iita. Nid amuam nug awag beka daaku.’ **20** Aria haen laa e amakđud eblaih adit daapig. Ag anam daanna, awalag tatamnu nug ah awa, nid iita mauhom. **21** Mauhe amu nug dimugpanu nug ah amu awa, nug ele nid iita mauhom. Mauhe nug dimugpanu ele anamib. **22** Aria laa oh ele anam ah amuib aona mauheg, dimpa ah amu nug ele mauhom. **23** Aria eamakđud amu oh ag ah amu aakuib aweg, nug ag waalag dayom amunu edua hibaitak haenpa amu ah amu nug eamakđud eblaih adit amu ag oolagpa aunnab wau daaku?” aon apig.

24 Ag anam aeg amu Jesus Nug aum. “Ag Kayaknu nai ii doonna, Kayaknu gagatag amu ele ag ii dootteb amunu ag nai augigiak, diig iita maditeb. **25** Edua hibaitak haenpa amu danab ag ah ii diimna, ah ele ag danab ii diimna. Iita, ag engel hab atannu bia daaglag. **26** Amge danab mauhna, edun hipaidteb keeke amunu amu ag Moses nug Kayak naipa nai laa yom amu ag iite eb qepig? Haen amu ab ewewe, ad ewa iita ii meeme, Moses

nug ande~~t~~e, Kayak Nug Moses amegpa a amu nug Kayak ode inam yom. ‘Da amu Abrahamnu Kayak, Isaknu Kayak amu Jakopnu Kayak ele,’ awa aum. ²⁷ Kayak Nug anam aum amunu ig doot~~em~~, danab ewam amu ag gemu daa~~t~~eb. Ag mauhpig amge ag iita ii mepig amunu Kayak Nug danab daa~~t~~eb dilag Kayak daa~~t~~e. Nug anam daa~~t~~e amunu Nug ele heeb, ag edun hipaid~~k~~ulag. Ag do gumak danab-Sadusi, ag edua hibai~~t~~ak amunu ag ootot okai aqe het~~t~~eb,” awa aum.

DO ATEN ANUQAK DAATE

²⁸ Jesus Nug anam a amu do gumak danab laa nug ag nai amu ma~~t~~in heegeg doya, Jesus Nug nob ena meum ele doya amu nug Jesus inam od met~~om~~. “Thinig do a~~t~~en amu nug anuqak daa~~t~~e?” awa aum. ²⁹ Nug anam a amu Jesus Nug o~~d~~epa awa aum. “Do anuqak am inam. ‘O Israel, ag doyeg! Kayak, Nug ihinig Nadi amu, Nug nu~~k~~a Kayak daate. ³⁰ Nadi, Nug am nahip Kayak amu, na ootpa, na ou~~d~~inpa, nahip dab makpa amu nahip keeke ohpa ele nuhignu oot mauhad~~!~~” ³¹ Aria do amu dimugpa amu inam. ‘Na na~~k~~a nahipnu oot mauh~~t~~e, amubia na danab laa dilag ele oot mauhad~~!~~’ Do laipu laa amu adit imu ii edat-te,” awa aum. ³² Jesus Nug anam a amu do mehuqak danab nug aum. “Ipunit~~t~~ak danab. Na ena ame! Na ame am genab. Kayak Nug nu~~k~~a Kayak daa~~t~~e, laa iita ³³ amu ig genab ig oonigpa, ihinig dab makpa, ihinig keeke ohpa nuhignu oonig mauh~~k~~u amu ig ika ihinignu oonig mauh~~t~~e amubia ig laa dilag oonig mauh~~k~~u, keeke adit amu a mana met~~ak~~ oh edid~~t~~ep,” awa aum. ³⁴ Danab nug anam a amu

Jesus Nug nob nuhig am ena anta, nug amegpa aum. “Na Kayaknu do mađod oop gokutnu amu na ib amu ođepa daađem!” awa aum. Awa a amu danab laala ag dab mak eheđpa ele ag Jesus keeke laanu od metaglagnu bađana, ii hepig.

JESUS AM AUN BEKA

³⁵ Aria Jesus Nug mana metak lag oopa dayaya, danab ah ipuanata amu Nug ag od matom “Do mehuqak danab ag, ‘Kayak Nug laa tituanom, amuam Kristus, Nug am Dawit beka,’ aon ateb amge atem doona, ag anam ateb? ³⁶ Adinu? Kayak Oudi Nug he, Dawit nug inam aum. ‘Nadi Jehowa Nug dahil Nadi amegpa inam aum. “Na da epel nadiappa daappe ukeb, da nahip keked na waatpa maadkul.” ’ ³⁷ Ag iikud anteg! Danab nug, nug bekanu, ‘Nadi,’ ii ate amge Dawit nug nuka, nug bekanu, ‘Nadi,’ aum amunu ig atemun Kristusnu, ‘Nug am Dawit bekaib,’ akunig?” awa aum. Awa a amu abpan danab ag nuhig nainu oolag gamag ahom.

³⁸ Jesus Nug anam anana amu Nug nai baula tudita, danab ah amelagpa aum. “Do mehuqak danab ag lamen enanag elab ele takana, danab ah noolagpa oiglagnu oolag anuqak dayeye, ag danab laala ag humadkulagnu oolag okai ele daate. ³⁹ Ag nai doyak laka amu hobul haenpa ele amu ag aben anuqakpa daaglagnu itag aqate amge ag ahilag kobol amu hemananu dab meig! ⁴⁰ Do mehuqak danab ag anam henana amu ag ah qab ham bupualadna, laulkad yab awona, ahilag hipunin amu danab ah amelagpa lokumkulagnu ag

unuqitak elab heteb amunu epediak haenpa geha ag ug okainab aoglag,” awa aum.

AH QAB NUG MEN DODO KAYAK METOM

⁴¹ Jesus nai amu matiom dimpa amu Nug men dodo mak aben guguitak dayaya, Nug danab laala men dodo kunuppa meegeg ana_{tom}. Laala, ag enulag kudum ele amu ag kudum mepig. ⁴² Meegeg amu ah qab da_de_k ele nug apa u_{ka}, men dodo adit, wan toea bia, kunuppa meum. ⁴³ Me amu Jesus Nug nuhikud ipunitak awak danab onilagpa e doeg, Nug ag amelagpa aum. “Da genab ag amelagpa atem. Ah qab da_de_k ele imu nuhig men dodo kunuppa meum amu danab laala mepig ele amu oh edadte. ⁴⁴ Adinu? Laa oh ag men dodo kudum ele amu, ag laih nakok amupan aon mepig amge ah imu nug men dodo nakoknab nuhig, nug ehanidkunu dayom, amu oh meum,” awa aum.

13

HAEN MALAKUNU EPONAK KEEKE DIIGDIIG

¹ Jesus Nug anam a amu Nug nuhikud ipunitak awak danab ele ag ahan, mana metak lag dimitim gonana, nuhig ipunitak awak danab laa nug Jesus amegpa aum. “Ipunitak danab, ante! Ag men enapaib lag imu oh ena hepig!” awa aum. ² Nug anam a amu Jesus Nug aum. “Ag lag okai imu anadteb amge dimpa ag men imu lopadpeg, nena qena, laa nug laa qa_depa iinab daama. Ohnab lopadpeg, honap nena qekulag,” awa aum.

³ Aria Jesus Nug aaku mana metak lakanu aha noa, Olip quakopa ta dayeye amu Petrus, Jakobus, Johanes amu Andreus ele ag aka gumidna gona,

⁴ Nug od medapig. “Na amenigpa ame amu kobil amu haen genab beku? Amu ele eponak keeke adi tatam beeb, keeke amu oh beku miag daate amu ig doognig?” aon apig. ⁵ Ag anam aeg amu Jesus Nug aum. “Danab laa ag bupualadmanu ag dab meig! ⁶ Adinu? Danab kudum ag da onilpa udin, ‘Da am Kristus’ anana, kudum laa bupualadkulag. ⁷ Amu ag bannu doonna, bannu ulah nai ele dooglag. Keeke amu genab bekulag amge doyeg, ag aib otaipig. Wan haen malak iita. ⁸ Danab bedulag laa ag danab bedulag laa ele nug qekulag amu wan laa ag wan laa ele nug qekulag. Aben laalapa amu mim nebepeg, enug haen okai ele nekulag. Kobol amu oh am nid dokunu ah ag guitak tatam dooteb amubia aakuib.

⁹ Amu ag ahilag oyaknu dab meig! Ag laala amu ag adualadna, hetodiakpa maadkulag. Ag laala amu ag nai doyak laa apa makudadkulag. Da onil ahilagpa daate amunu ag diiadna, king gabman ele epelagpa maadpeg, ag hetodiadkulag. Amu ag haen amupa dahilnu nai ena amelagpa mehuqkulag. ¹⁰ Dahilnu Nai Ena amu wan ohpanu danab ag doon malapeg amu malaknu haen miag daaku. ¹¹ Amu ag dahilnu Nai Ena mehuqkulag amunu ag adualadna, hetodiakpa maadpeg ag haen amupa adi akulag, nai amunu dab huan aib mepig. Iita, haen amupaib Kayak Oudi Nug nai adi ipuanateb, ag nai amuib akulag. Ag aka iita. Kayak Oudi Nug nuhig udat ahilagpa heku. ¹² Haen amupa danab laa nug awag o nug amag mauhkunu keked epelagpa meku. O danab laa nug beka ele anam heku. Nid naunau ag ele edun anilkad mamelkad

mauhkulagnu gedadna, keked epelagpa maadkulag.
 13 Da onil ahilagpa daate amunu danab oh ag oolagpa ahilagnu nau, ninig ele dooglag amge laa nug gagatag dayebeb uk̄eb, keeke oh ba maleb, haen amupa ele nug gagatag daaku amu, nug padal ii mema.

14 Aria propet Daniel nug keeke naunab laa, nug ab he nauhte ele, amunu yom. Danab aun nug nai imu eb qete amu nug meu nuhig tutuku aokunu dab mad! Amu ag keeke naunab amu nug aben daakunu elele iitapa dayeb anidna, ag Juda danab ah ag ahan oolna qaukopa ukeg! 15 Genab, haen amupa danab laa nug ulah awak abenpa, lag atan daate amu agupa dayaya, nug oolkunuib dab maama, nug lag oopa noa, keeke ii aoma. Iita. Oola ukad! 16 O laa nug dat̄a dayaya, nug oolkunuib dab maama, nug edua lamen nuhig aokunu laka ii goma. 17 Haen amupa ah oolag ele, ah ag nid yud huh madafeb ele amu, ahilagnu amu gadonnab. 18 Ag keeke amu oug haenpa bemanu unuqiteg! 19 Adinu? Haen amupa amu ug nadinab daaku. Ug amubia ded laa Kayak dig ma keeke oh heum udiak gemu ele, dimpa ele amubia ii daama. 20 Anam daate amunu Kayak Nug haen amu tutuib daakunu, haen amu ii okullo, danab ah oh padal melob amge Kayak Nug danab ah nuhikud tituanatom ele, Nug amu dilag dab ma, haen tutu okulku. 21 Aria haen amupa danab laa nug ag amelagpa, ‘Anteg! Kristus Nug ipa ina daate,’ o iita, ‘Anteg! Kristus upa uma daate,’ ab amu ag oolagpa genab aib doopig. 22 Adinu? Geha ham bpuak danab laa ag ham bupuna, ‘Da am

Kristus,’ o ‘Da am propet,’ akulag. Ag amu henana, ag ahan, danab Kayak Nug tituanat^{om} ele amu ag amelagpa eponak keeke, danab hekunu elele i^{ta} henana, ag ham bupualad^kulagnu wagai mekulag amge elele i^{ta}. ²³ Amunu ag dab meig! Da keeke amu ii neumpa, keeke amu ohnu ag amelagpa ain malami,” awa aum. ²⁴ Jesus Nug anam anana amu Nug nai baula aum. “Aria ug amu oh maleb amu aam nug ii amahalma, kalam ele ii amahalma, ²⁵ habpanu hodopai laala ag nena qebepeg, laa ag udalnana, ag ipulag tutuk^u ii dim lamidmana. ²⁶ Keeke amu oh ba maleb, Danab Bekalag da, da lombigpa gagat^{ag} okai amu amahlak okai ele udipi anidkulag. ²⁷ Da udien amu da dahilad engel hepⁱ, ag gona, danab ah da tituanadmi amu, aben ohpanu qag maadna, diin udiglag.

²⁸ Nai amunu amu ag ad pignu kobol dab menana, dab mak aoglag. Ag ad pig nug udug bau be^kunu dig ma hault^e anidna amu ag haen amupa, ‘Aam haen nug aak^u dig met^e,’ aon ateb. ²⁹ Ag ad pig nug bau be^kunu dig ma hault^e anidna ag, ‘Aam haen miag do^te,’ doot^e amubia ag kobol diigdiig oh da ami ele amu bebepeg anidna, ag dahilnu, ‘Nug edua udi^kunu haen aak^u miag daa^te,’ dooglag. ³⁰ Da genab ag amelagpa atem. Danab ah haen imunu oh ii mauhadpeg, geha keeke amu oh beku. ³¹ Hab wan ele amu i^{ta} mekulah amge dahil nai amu i^{ta} iinab mema,” awa aum.

JESUS EDUA UDIKUNU HAEN AMU, DANAB LAA II DOOTE

³² Anam amge laipu laa nug ded amunu haen ii doot^e. Engel hab atannu ele ii doot^eb. Da

ele ii dootem, Mama Nug nu_ka keeke amu doote.
 33 Ag haen amu ii dooteb amunu ag dab menan dayeg! 34 Haen amu inam bia beku. Danab laa nug atu laih gokunu aha, nug laugpanu udat oh otia, nuhikud udat danab epelagpa mewowa, laa nug nuhig okai edua udikunu dab maama daakunu anana, aha ukom. 35 Amunu ag danab, nug nuhig okai edua udikunu dab maama daakunu aum, amibia amu ag dab menana dayeg! Adinu? Ag Nug edua udikunu haen ii dooteb, tuebtai o tugmagtai o butua wagdebtai. 36 Nug pahatai edua udiku amunu ag niimnanu dab meig! 37 Nai imu amu ahilagib iita. Da danab ah oh dilagnu ele atem. “Ag dab medanna dayeg!” awa aum.

14

BETANI ABPA AH LAA GODEN AWA UKA JESUS LAAITOM

1 Jesus Nug nai amu oh matia male amu dimpa Pasowa metid hobul ded ii nak, nekunu ded adit dayeye, hobul amupa ag bret hamuib ladapig ele amu, mana metak danab okai, do mehuqak danab ele amu ag lokumakpa Jesus adan, qepeg mauhkuu ib madipig. 2 Amu ag keeke amu hekulagnu inam apig. “Danab ah nug qemana, mutub ele qemananu amu ig Pasowa hobul haenpa Jesus ii adamta,” aon apig.

3 Aria Jesus Nug Betani apa danab onig Simon, nug gada ode ele amu, nug laugpa e lanan dayeye, ah laa nug men id enanag, goden mutudig enanag, nob okainab ele inak, amu awa, gumiita udiom. Ag goden amu bala laa onig nad, amupa hedapig. Aria ah amu nug amu awa udia, id baag amu

qe aode, Jesus igipa gokadom. ⁴ Nug anam he amu danab laala, apa daapig ele amu, ag oolag nauhe, aka aka kobol amunu matin apig. “Adinu nug goden amu hamu kaki_{tom}? ⁵ Nug goden amu mee_b, danab laa nug mad laipunu udat nob editak daden mee_b, men dodo amu da_de_k danab matalo am ena,” aon apig. Ag anam anana amu ag ah amu aidpig. ⁶ Ag anam aiteg amu Jesus Nug ag amelagpa aum. “Ag ueeg! Adinu ag ah imu oo ug medateb? Nug dahilnu kobol enanag heum. ⁷ Da_de_k danab amu, ag ag oolagpa hanhan daaglag amunu ag ehanadkulagnu oolag dayeb amu ag ehanadkulag. Amge da ag ele haen oh ii daamta. ⁸ Ah imu nug dahilnu kobol ena he_kunu elele anta, nug heum. Nug da bedul modpa nokunu gadal babaita, goden amu gokadom. ⁹ Da genab ag amelagpa atem. Dimpa danab ag dahilnu Nai Ena wan adepa adepa mehuqnana, ag ah imu keeke heum, nug ag daulagpa dokunu, ag amunu ele matiglag,” awa aum.

¹⁰ Aria haen amupa ipunitak awak danab tuelp, ag oolagpan laipu, nug onig Judas Iskariot, nug mana metak danab okai gumata uka, Jesus ag epelagpa me_kunu aum. ¹¹ Nug anam a amu ag oolag gamag ahe, nug anam heeb, ag men dodo metaglagnu nai qakan apig. Ag anam aeg amunu Judas nug haen ena adeku Jesus ag epelagpa me_kunu ib matiom.

JESUS PASOWA HEUM

¹² Aria Pasowa metid hobulnu babaitaknu ded ne, ded amu Juda danab ag Pasowa hobulnu dod sipsip aqaeg mauhad_{tap}ig ele, ded amupa Jesusnu ipunitak awak danab ag Jesus od medapig.

“Ig na Pasowa e lakutnu amu ig amunu adepa bapaidkunignu oot daaṭe,” aon apig. ¹³ Ag anam aeg amu Jesus Nug ipunitak awak danab adit amelahpa aum. “A ahaya goya, abpa noya, apa amu a danab nug nipud, le am bak ele, amu mawa doa, a udalah teeb amu a nug dim lamidya uked! ¹⁴ Dim lamidya goped, nug lag aṭenpa teeb amu a lag amu nug mameg amegpa inam aid! ‘Ipunitak danab ihinlh Nug inam aum. “Da dahil ipunitak awak danab ele ig na lautpa oo aṭenpa Pasowa lakunig?”’ aoya akulah. ¹⁵ A anam aped, geha nug lag oo okai, balal dayak aben ele amu ana ipuanateb, a lag oo amupa Pasowa babaited!” awa aum. ¹⁶ Jesus Nug anam a amu a ahaya goya, abpa noya amu Jesus Nug aum amubiaib anidpid. Anidya amu a Pasowanu e bapaidpid.

¹⁷ Bapaidya malapid amu tueb meeme, Jesus Nug nuhikud ipunitak awak danab tuelp amu ag oh apa gopig. ¹⁸ Aria ag gona tena, balalpa e lanana, Jesus Nug aum. “Da genab ag amelagpa atem. Ag oolagpanu danab laa, nug da ele geha iiku e latep amu nug da keked epelagpa meidku,” awa aum. ¹⁹ Nug anam a amu ipunitak awak danab ag oolagpa ugnab doonna, ag anen anen Jesus od medapig, “Na ame am date?” ²⁰ Ag anam od metaeg amu Jesus Nug nai iikuib nob meum. “Ag danab tuelp amu ag oolagpanu laa nug da ele geha iiku e latep amu nug ana heku. ²¹ Danab Bekalag da, Kayak nai aṭe amubianab, da mauhkul amge danab nug da keked epelagpa meidku amu nuhignu gadonnab, nug anig amu nug ii menulo am ena,” awa aum.

²² Jesus Nug anam a, ag oh e lanan daanna amu Jesus Nug bret awa, Kayak unuqita, pane ne, pania madaṭa, inam aum. “Ag aon laig! Īmu da bedul.”

²³ Nug anam anana amu Nug wain hai gokodpa awa, unuqita mate, ag oh lapig. ²⁴ Ag laegeg amu Jesus Nug ag amelagpa aum. “Īmu da til, amupa da tituanak bau heṭem. Da danab ah kudum dilag hipunin uhuqen madakulnu gokadtem. ²⁵ Da genab ag amelagpa atem. Da grep lepu wain geha iiku latem imubia baula paha ii lapa. Iiṭa. Dimpa da Kayaknu do madod oopa dayeye am da wain bau lakul,” awa aum.

²⁶ Nug anam a amu ag ahi laa etona, ag ahan, dimitim wana, Olipnu qaukopa gopig.

*JESUS NUG PETRUS, “DA NUG II DOOTEM,”
HAEN EWAM AKUNU AUM*

²⁷ Ag gona tena, Jesus Nug aum. “Kayak naipa yak laa niiṭe am inam. ‘Da gumak danab qepi mauheb, sipsip ag oh oolna matatun gokulag!’ amunu yak amubia amu gemu tuqan imu ag oh uidna oolna gokulag. ²⁸ Amge dimpa da eduen hibaiṭen, da anuqen, Galelia wanpa gopi, ag da dim lamidna gokulag,” awa aum. ²⁹ Nug anam a amu Petrus nug Jesus amegpa aum. “Danab laa oh ag nahipnu ehed doon, uidna oolna gokulagtai amge da am anam ii hep!” awa aum. ³⁰ Petrus nug anam a amu Jesus Nug odep̄a awa aum. “Da genab na amenpa atem. Gemu tuqan imupa na dahilnu, ‘Da Nug ii dootem,’ aon, haen ewam batak akut. Na haen ewam anam ape, dimpa matuk dawai nug gaakū,” awa aum. ³¹ Awa a amu Petrus nug gagaṭag aum. “Iiṭa! Da na ele mauhkuinhnu dayeb

amu da amunu ug ii dootem amge da nahipnu, ‘Da ii dootem,’ ii apa! Ii_{tanab} ii_{ta},” awa aum. Awa a amu ipunitak awak danab laa oh ag anamib apig.

JESUS GETSEMANI UNUQITOM

³² Ag gona, aben laa onig Getsemani tena, Jesus Nug ipunitak awak danab amelagpa aum. “Ag igupa daapeg, da ukenunu unuqidkul,” awa aum.

³³ Nug anam anana amu Nug Petrus, Jakobus, Johanes ele aa_{kui}b d_{iiate}, Nug ele gopig. Gona amu Nug oopa ugnab doyom. ³⁴ Nug anam doya, Nug ag amelagpa aum. “Da oolpa kahipan t_{ode} mauhak bia dootem amunu ag igupa daanna, dab menan dayeg!” awa aum.

³⁵ Nug anam anana amu Nug nakok laa ele wana u_{ka}, apa Nug dup noa, gateg qaun wa, haen nau amu ii anidkul inam unuqitom. ³⁶ “O Mame, ug oh da maokul ele, amuam lepu mua ehe_d hai gokodpa daat_e bia, amu na ib laa anidna na ape, da le hai gokod amupanu amu da ii lapa amge na da ool daat_e aib dim lamidme. Na oot daat_e amuib dim lami_{te}!” awa aum.

³⁷ Nug anam anana amu Nug e_{dua}, ipunitak awak danab ewam niiegeg ana_{ta}, Nug Petrus amegpa aum. “Simon, na niitemte? Na aam ameg laipuib dab menan daakutnu elele ii_{tate}? ³⁸ Satan ag eedateb, ehe_dpa gomananu ag dab menan daanna, unuqiteg! Ag oudilag am elele amge ag bedulag am elele ii_{ta},” awa aum.

³⁹ Nug anam anana amu nug e_{dua} u_{ka} tatam unuqitom anamib baula unuqitom. ⁴⁰ Unuqitowa

amu Nug edua uka, ipunitak awak danab ag amelag ehed neum amunu ag niiegeg anate, ag Nug amegpa nai laa akulagnu ii doopig.

⁴¹ Aria haen ewampa nug edua uka, ag niiegeg anata amu Nug ag amelagpa aum. “Ag ii te ahapig? Ag geha iiku elete niin aotna aotebte? Aaku elele! Danab nug Danab Bekalag da, hipunin danab epelagpa meidkunu haen aaku doum. ⁴² Ahapeg gotu! Anteg, danab nug da keked epelagpa meidku ele amu nug aaku udite,” awa aum.

⁴³ Jesus Nug nai amu matieye amu ipunitak awak danab tuelp oolagpan laa onig Judas, amu danab kudum ele, danab amu ag qep elab amu dadib maha ele adapig amu, ag mana metak danab okai amu do mehuqak danab amu Juda iki danab ele ag apig bia, Judas ele udipig. ⁴⁴ Tatam Judas nug ag Jesus adaglagnu eponak keeke laa hekunu amelagpa inam aum. “Da danab laa ootuqidkul ele amu, ag Nug adan, aon ukeg!” awa aum. ⁴⁵ Anam amunu Judas adi ag gona, Getsemani tena, Judas nug paha Jesus gumita uka, “Ipunitak danab,” awowa, nug ootuqitom. ⁴⁶ Ootuqite amu ag Jesus adapig.

⁴⁷ Adaegeg amu laa apa dayom ele amu nug qep elab nuhig eeda awa, mana metak iki danab, nuhig begbeg laa daug hoiyom. ⁴⁸ Anam he amu Jesus Nug amelagpa aum. “Da yabhok danabte daatem amunu ag qep elab amu dadib ele aon adailkulagnu udipig? ⁴⁹ Da ded oh mana metak laka danab ah ipunitak maadtami amge ag ii adailpig. Amge Kayak nai ate amuib bad!” awa aum. ⁵⁰ Nug anam a amu nuhikud ipunitak awak danab ag oh uidna, oolna gopig.

51 Amu nid bau laipu laa nug Jesus Getsemani ugeke, haen amu nug ele Jesus dim lamitom. Nug lamen linen ta^{ka} u^{kom}. U^{ka} dayeye amu ag Jesus adana, ag nug ele adaeg, **52** nug lamen uua, hamu oola u^{kom}.

JESUS NUG JUDA DILAG EPEDIAK OKAI, ONIG SANHIDREN, AG NOOLAGPA DAYOM

53 Ag Jesus adana amu ag Nug aon gona, mana metak i^{ki} danab topa gopig. Amu mana metak danab okai, abnu i^{ki} danab amu do mehuqak danab ele ag oh apa qag mepig. **54** Ag Jesus adan omalna teegeg amu Petrus nug dim lama^tom amge nakok pide dim lama^tat^a, lagnu ad oopenab ta, lag mamegnu daup oolagpa ab udika dayom.

55 Petrus nug apa dayeye amu lag oopa mana metak danab okai amu Juda dilag hetodiak okai, onig Sanhidren, amunu danab ele, ag oh Jesus qepeg mauhkunu danab laa nug Jesus adi ehed heum amunu akunu madipig. Madipig amge ag laa ii anidpig. **56** Matiegeg amu danab laala ag ahan, ham bupuna, Jesus Nug adi ehed heum apig amge ahilag nai am idu laipu ii^{ta}, pide pide. **57** Anam heegeg amu laala ag ham bupuna, Jesus gedidna, inam apig. **58** “Danab imu Nug inam a doomut. ‘Da mana metak lag imu, danab epelagpa hepig ele amu, da hepi nauheb, ded ewampaib amu da bau hekul amge da epelpa ii hepa.’ Nug anam aum,” aon apig. **59** Ag anam apig amge ahilag nai amu ele idu laipu ii^{ta}, pide pide.

60 Ag anam ham bupun matieg amu mana metak i^{ki} nug ag noolagpa hibaita, Jesus od metom.

“Nai amunu amu na nob iite memana? Nai anak amuam genab o genab iiṭate?” awa aum. ⁶¹ Nug anam aum amge Jesus Nug nai nakok laa ii matiom. Aria mana metak iki nug edua, bau od metom. “Na am Kristus, Kayak bekate?” awa aum. ⁶² Nug anam od mete amu Jesus Nug aum. “Yo, da iiku amu dimpa ag Danab Bekalag da, Kayak gagatag oh ele amu, Nug epeg nadiappa, amuam anuqak aben, amupa daappi anidna amu hab waapanu lombigpa ele udippi anidkulag,” awa aum. ⁶³ Jesus Nug anam a amu mana metak danab dilag iki nug nuhig lamen ada, patida, nug aum. “Ig danab laala danab imu ehed heumnu matiglagnu ii matimta. Iiku elele! ⁶⁴ Nug nuka nuhignu, ‘Da am Kayak,’ aum amunu Nug Kayak dabita awa awa qetom. Ag nai amu doopig amu ag nuhignu adi atebe?” awa aum. Nug anam a amu ag oh, “Nug ehed heum, Nug mauhku,” apig. ⁶⁵ Ag anam anana amu laa ag hunu qeegeg, laa ag lamenpa ameg qakana, epelagpa makudnana apig. “Kayak ehaniteb, na aun na oitom ape dootu!” aon apig. Aria mana metak iki, nuhikud daup, ag ele nug makudpig.

PETRUS JESUSNU, “DA NUG II DOOTEM,” AUM

⁶⁶ Amu Petrus nug lagnu ad oopa dayeye, mana metak iki, nuhig begbeg nid ahin laa nug doa, ⁶⁷ Petrus nug ab udika dayeye anta, nug aum. “Na ele am Nasaret ted Jesus, Nug ele oipid!” awa aum. ⁶⁸ Nug anam a amu Petrus nug aum. “Iita! Da nai amuam da ii dootem!” awa aum. Anam anana amu nug aha, lagnu ad odpa uka dayom. ⁶⁹ Daye, dimpa begbeg ah amu nug Petrus baula

anta amu nug laala daapig ele amu, ag amelagpa aum. “Danab imu nug Jesus adi lailag!” awa aum. ⁷⁰ Nug anam a amu Petrus nug baula, “Iitanab,” awa aum. Nug a amu nakok dimpa danab apa daapig ele amu, ag Petrus amegpa apig. “Na am Galelia ted amunu genab na am Jesus layag!” aon apig. ⁷¹ Ag anam aeg amu Petrus nug nai gagatagnab inam aum. “Da nai genab ii api amu Kayak Nug da nob nau medad! Da genab iiku atem! Danab amu ag nuhignu ateb ele amu, da Nug iinab dootem!” awa aum. ⁷² Petrus nug anam a amu matuk dawai nug paha baula gayom. Gayeye amu Jesusnu nai, “Tuqan imupa na dahilnu, ‘Da Nug ii dootem,’ ape, haen ewam batak akut. Na haen ewam anam ape, dimpa matuk dawai nug gaaku,” nai amu Petrus daugpa doum. Nai amu Petrus daugpa do, dab maama gayom.

15

JESUS PILATUS NOOBPA DAYOM

¹ Aria wagde butua amu mana metak iki danab, Juda iki danab, do mehuqak danab amu Juda dilag hetodiak okai, onig Sanhidren, amunu danab ele ag oh qag mena, Jesus mauhkunu nai qakona, Jesus epeg mudipa qakana, aon gona, Pilatus epegpa mepig. ² Jesus Nug anam dayeye amu Pilatus nug od metom. “Na Juda dilag kingte?” awa aum. Awa a amu Jesus Nug aum. “Na aaaku atem,” awa aum. ³ Jesus Nug anam a amu mana metak danab okai ag nuhignu nai hamu yaan henan, “Jesus ehed kuđum heum,” Pilatus amegpa apig ⁴ amunu Pilatus nug Jesus od metom. “Ag na ehed kuđum

hemenu aṭeb amu na nai amunu eduna, nob iitai amana?” awa aum. ⁵ Pilatus anam aum amge Jesus Nug odepia ii awom amunu Pilatus nug dab mak kuḍum awom.

⁶ Aria mad ohpa Pasowa hobulnu dedpa gabman nug danab ah ag hipunin danab aṭen uhuqa madakunu apig amu nug mani guītakpanu od matule dotom. ⁷ Amu danab laa ag gabman ele ban henana, ag danab aqaeg mauhpig amunu ag mani guītakpa daapig amu ag oolagpanu danab laa onig Barabas, nug ag ele oh haen amupa mani guītakpa daapig. ⁸ Nug mani guītakpa dayeye, Jesus Nug Pilatus epegpa dayeye amu Juda danab kuḍum ag ahan, Pilatus topa gona, ag nug hanhan mani guītak danab laa uhuqtom bia hekunu apig. ⁹ Ag anam aeg amu Pilatus nug aum. “Da Jesuste uhuqkulnu oolag daaṭe?” awa aum. ¹⁰ Pilatus nug Jesus nuhig hak ena, hak amupa Nug Juda okai edatom amunu ag oolag nauhe, Jesus hetodiakpa mepig doyom amunu nug anam od matom. ¹¹ Pilatus nug anam od matom amge mana metak danab okai ag ahan, wagai mena, danab oh gada maṭaeg, ag Barabas uhuqkunu apig. ¹² Ag Barabasnu apig amunu Pilatus nug aum. “Amge ag Juda dilag king imu, da nuhignu adi hekulnu oolag daaṭe?” awa aum. ¹³ Nug anam a amu ag epig. “Ad emaitakpa atule!” aon epig. ¹⁴ Ag anam eeg amu Pilatus nug od matom. “Adinu? Nug adi ehed heum?” awa aum. Nug anam aum amge danab kuḍum ag baula huan epig. “Ad emaitakpa atule!” aon epig. ¹⁵ Ag anam eeg amu Pilatus nug danab kuḍum ag oolag ena daakunu Barabas

uhuqom. Barabas uhuqa amu nug nuhikud daup ag Jesus wippa ehed matad^kulagnu a, ag anam heeg, Pilatus nug Jesus ad emaitakpa atulkulagnu anana, nug Jesus awa, ag epelagpa meum.

BANDANAB AG JESUS AON AON QEDAPIG

¹⁶ Pilatus anam matiom amunu nuhikud daup ag Jesus aon gona, gabman dilag okai laug oopa nona, ag daup laa oh onilagpa eeg, udieg, ¹⁷ ag oh lamen kokod enanag Jesus aduiteg no, ag king igipan bala bia mudi qaun elepa hewona, Jesus igipa adaeg noum. ¹⁸ Adaeg no amu ag aon aon qetan, Jesus humidna apig. “Na am Juda dilag king! Na binan ele!” aon apig. ¹⁹ Ag anam henana amu ag gumu laa, qaitobtob gumu bia, amu aona, Jesus iki onana, hunu qenana, Nug noobpa ham bupuak dup nona, gatelag qaun opig. ²⁰ Ag aon aon qetan malana amu ag lamen kokod enanag udidna, nuhig lamen edun aduiteg no, ag ad emaitakpa atulkulagnu aon gopig.

AG JESUS AD EMAITAKPA ATULPIG

²¹ Ag ibpa gonana amu ag Sairini ted, Rupas, Aleksanda ele mamelah, onig Simon, nug ab dimitimnu udia, ab okaipa nokunu doodo, ag nug anidna amu ag dutunna heeg, nug Jesusnu ad emaitak maokunu apig. ²² Nug ad emaitak mawewe amu ag gona, Golgata apa tepig. Golgata diig am Ikilag Ebehi. ²³ Tena, apa amu ag Jesus wain marasin laa onig mir koboliak, Nug amu lakunu metae am Nug ii laum. ²⁴ Jesus Nug anam he, ag Nug ad emaitakpa atulona amu ag nuhig lamen aoglagnu amu ag otina, ameg wadele

mewona, aun nug ameg aṭen aoku amu ag keeke laa onig dais amupa qid hena, aopig.

²⁵ Ag buṭua aam ameg eblaih wađelepa ad emaitakpa atulpig. ²⁶ Rom danab ag danab ad emaitakpa atuladtapig ele amu, ag adi nai ag bedulagpa yaapig ele, danab ag amu anidkulagnu, ag uđugpa yaana, ad emaitakpa atulpig. Aria Jesusnu amu ag, “Nug Juda dilag king,” anam ana yan, ad emaitakpa atulpig. ²⁷ Ag danab adit laa, a am yabhok danab amu, ag a Jesus ele oh atuladpig. Ag danab laa Jesus epeg nađiapa atulona, laa am epeg nanehpa atulpig. ²⁸ [Ag Jesus danab adit ele atuladpig amunu Kayak nai laa danab yom amu meu oom. Nai am inam. “Ag nuhignu, ‘Nug am hipunin danab lailag,’ akulag.”] ²⁹ Jesus Nug ad emaitakpa dayeye amu danab ah ag Nug noobpa dona wanana, ag iķilag matudna, aon aon qetanna, inam apig. “O! Na mana metak lag lopadna, edun ded ewampaib hekutnu ame ³⁰ amunu na anam hekutnu elele amu na ad emaitakpanu bedun uhuqna nena, ena dayel!” aon apig.

³¹ Ag anam aegeg amu mana metak danab okai, do mehuqak danab ele ag aon aon qetan apig. “Nug danab laa ehanatom amge Nug nuka ehanidkunu elele iita. ³² Nug am Kristus, Juda dilag kingde! Nug ad emaitakpanu neeb, ig anita, ig nuhignu oonigpa genab doognig,” aon apig. Ag anam aegeg amu danab adit ag a Jesus ele atuladpig amu a ele Jesus amegpa awa awa qetak nai madipid.

³³ Anam heegeg uke, aam ameg tuelppa gatatu wan amu oh na tone uke, aam ameg ewampa batom. ³⁴ Aria aam ameg ewampa Jesus Nug bag okaipa ewa aum. “Eloi Eloi lama sabaktani,” awa aum. Nai amu eduak am, “O Mame O Mame! Adinu na da uuidme?” ³⁵ Jesus Nug anam e, danab apa Nug guguitak daapig ele ag amu doon apig. “Doyeg! Nug Elias onigpa ete,” aon apig. ³⁶ Ag anam anana amu ag oolagpanu danab laa nug aha, qaiqad uka, yupan keeke laa, nug le huanak eedte ele onig span amu awa, wainpa mewowa, nug awa, gumu laa, qaitobtob gumu bia, amupa ita, medakunu haaha, nug aum. “Daapeg, Elias nug na ehaniteb, nug ad emaitakpanu neku o iita amu ig anidkunig,” awa aum. ³⁷ Danab nug anam a amu Jesus Nug baag okaipa ewowa, Nug mauhom. ³⁸ Jesus mauhom, haen amupa mana metak lag oopa lamen nadi aiheg dayom ele amu, gamagpanab atannu katida uka, honap noum. ³⁹ Jesus mauhe amu daup ikilag nug Jesus atem mauhom anta, nug aum. “Genab, danab imu Nug am Kayak beka!” awa aum.

⁴⁰ Amu Jesus Nug ad emaitakpa dayeye amu ah laala ag pide daanna anidpig. Ag oolagpanu laa amuam Maria, Magdala ted, laa amu Jakobus gehanu Josi ele anilah Maria, laa am Salome. ⁴¹ Ah ewam amu ag Jesus Nug Galelia oyeye ehanitegeg, Nug Jerusalem teete amu ag ele tepig. Ah laala apa daapig amu ag ele Jesus dim lanidna, Jerusalem tepig.

JOSEP AMU NIKODEMUS ELE A JESUS BOOM-PID

⁴² Aria Jesus Nug mauhe amu tueb me, ded amuam Juda dilag Metidnu keeke babaitaknu ded, ded amu dimugpa amu ahilag Metid ⁴³ amunu Arimatia ted Josep nug ii ba a, Pilatus topa u a, Jesus gada aokunu od metom. Josep nug Juda dilag hetodiak okai onig Sanhidren, amunu nug laa aa u. Amu laa ag amunu danab daapig amu nug ag oolagpanu am onig ele. Laa ele nug Kayak do madod ameg meum. ⁴⁴ Josep nug Pilatus od mete amu Pilatus nug Jesus paha mauhom amunu nug dab mak kudum awom. Awa amu nug daup ikilag onigpa e udie, “Jesus Nug matu mauhomte o iitate?” awa od metom. ⁴⁵ Anam anana amu Pilatus nug daup ikilag od pa Jesus mauhomnu doya, nug Arimatia ted Josep nug Jesus gada aokunu elele aum. ⁴⁶ Pilatus nug a amu Josep nug lamen linen daden ma, Jesus gada ad emaitakpanu awowa, gada lamen amupa ita, mod menpa bapaipig ele, amupa mewowa, nug men laa budibdib mete u a, men modnu o e tonom. ⁴⁷ Nug Jesus gada men modpa meeme amu Maria, Magdala ted, amu Josi anig Maria ele a aben amu anidpid.

16

JESUS EDUA HIBAITOM

¹ Jesus Nug modpa niieye amu Juda dilag Metid male, Maria, Magdala ted amu Jakobus anig Maria amu Salome ele ag keeke mutudig enanag ele Jesus gada bapaikulagnu daden mepig. ² Aria Juda dilag Metid male u e, wagde butuanab aam dig ma beebe amu ag ahan, men modpa, Jesus gada bapaikulagnu gonana, ³ ag aka aka apig. “Aun nug

ehanika, men nadi mod odepan amu, men amu dutuna megaku?" Men amuam nadinab amunu ag anam apig.

⁴ Ag anam matinna, ag neekeg uke, men nadi mod odepanu amu laa nug dutune ukom. ⁵ Amunu ag gona, men mod oopa nona, nid bau laa nug lamen hakab ele nug nadiappa dayeye anidna, ag badapig.

⁶ Ag anam badan heeg amu nid bau amu nug aum. "Ag aib badapig. Ag Nasaret ted Jesus, ad emaitakpa atulpig ele maditeb amge Nug ipa ii daate. Nug edua hibatom. Ag Nug mepig aben amu iilkude anteg! ⁷ Amunu ag gona, Petrus amu Jesusnu ipunitak awak danab laa oh ele inam apeg dooglag. 'Jesus Nug anuqa, Galelia gote amunu ag ele gona, Nug anuqa aum bia apa Nug anidkulag,' awa aum. ⁸ Nug anam a amu ah ag edun, dimitim gona, mod uuna, ag bedulag hahadede, dab mak kudum aopig. Ag huan badapig amunu ag danab laa amegpa ii apig.

⁹ [Jesus Nug Metidpa, wagde butuanab edua hibatowa amu Nug tatam Maria, Magdala ted, nug gumita waum. Ah amuam Jesus Nug anuqa oudi nau eblaih adit ele bedupanu lamatom. ¹⁰ Ah nug Jesus anta amu nug uqa, nuhikud ipunitak awak danab, ag oolag ug ele gaana daaegeg, ag amelagpa inam aum. "Jesus Nug edua hibata, bau daate! Da Nug anidmi," awa aum. ¹¹ Nug anam a, ag Jesus edua hibatom, ah amu Nug ele antoom doopig amge ag oolagpa genab ii doopig.

¹² Aria dimpa danab adit laa a laih gokulahnu ibpa uqaeheh, Jesus Nug bedu edua gumata waum.

¹³ Wana amu Jesus Nug he, a Nug doouya, a eduya

goya, nai amu aeh amu laa ag oolagpa genab ii doopig.

¹⁴ Danab laala ag, “Jesus edua aha, bau daaṭe,” aeg, ipunitak awak danab elewen ag doopig amge ag oolagpa genab ii doopig. Ag nai amunu ahilag dab makib dim lamidna, “Elele iitä,” apig amunu dimpa Jesus Nug ag e lanana daaegeg, Nug tula gumata wana, Nug ahilag hak adit amunu alaṭom.

¹⁵ Alatowa amu Nug ag amelagpa aum. “Ag ahan, wan atu ohpa gona, dahilnu Nai Ena danab oh amelagpa aig! ¹⁶ Ag apeg doona amu danab laa nug oopa genab doya, layatak aweb amu Kayak nug edua aoku. Laa nug oopa genab ii doya amu nug Kayak noobpa nai ele daaku. ¹⁷ Danab ag dahilnu oolagpa genab dooteb ele amu, ag da onilpa kobol laala danab hekunu elele iitä imubia hekulag. Ag oudi nau lamadkulag, ag nailag pide pide matiglag. ¹⁸ Ag mat nau adaglag o le ehed laa lakulag amu amupa ag ii mauhmana. Ag ode danab bedulag adapeg, ag ode uuadku,” awa aum.

¹⁹ Jesus Nug anam a amu Kayak Nug he, Jesus Nug hab atan ta, Kayak epeg nadiappa, amuam anuqak aben, amupa hedep na daaṭe. ²⁰ Aria ipunitak awak danab ag wan ohpa gona, Jesusnu nai mehuqegeg, Jesus Nug ag ehanateṭe, ag udat nadi gagatag laala ele heegeg, amupa danab ag mehuqak ahilag genab doopig.]

**KAYAKNU NAI Tituanak Bau
The New Testament in the Nobonob Language of
Papua New Guinea
Nupela Testamen long tokples Nobonob long Niugini**

copyright © 1990 Wycliffe Bible Translators, Inc.

Language: Nobonob

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 11 Nov 2022 from source files
dated 9 Oct 2020

ed374bb9-d819-53d1-a85b-f86cce3892e1